

永壽縣新志卷一 目

天象

分野

徵應

地輿

沿革

疆域

形勝

山川

水利

永壽縣新志卷一

知縣蔣基重修

天象類 分野 徵應

分野

史記天官書東井輿鬼為雍州之分

漢書地理志自井十度至柳三度謂之鶉首之次

按長安志引漢書地理志云自東井十六度至柳八度為鶉首蓋以律歷志參之

春秋文耀鉤雍州屬鬼星

廣雅北斗樞為雍州

徵應

永壽縣新志卷一

後漢書

以下所引史書數條俱合帝紀及五行志

建武七年秋九月土入鬼

中八年夏四月帝自將征隗囂至漆

漆今永壽縣

晉書惠帝元康五年四月有星孛於大陵占曰大陵有

積尸六年八月秦雍氏羗齊萬年反遣威將軍周處等

討之梁王彤屯好時

在縣西南

逼處與賊戰於梁山敗績死

之 時賊屯梁山在縣南八十里

唐書天寶十四載春二月熒惑太白鬪於井鬼間十二

月月食歲星在東井占曰其國亡十一月安祿山反十

五載六月賊陷潼關帝出奔蜀太子之朔方丁酉次永

壽縣

明史莊烈帝崇禎七年五月木星犯鬼宿積尸氣八月

流氓破永壽縣八年大帥曹文詔艾萬年等戰沒賊勢益張關中郡縣多殘破八月復陷永壽及同官

按永壽小縣僅足當全秦百分之一而星緯變於上兵戎應於下其不爽有如此者孰謂彈丸黑子無關垂象乎哉

地輿類 沿革 疆域 形勝 山川 水利

沿革

古幽國地

詩大雅篤公劉幽居允荒又云于幽斯館

幽譜幽者后稷之曾孫公劉自郃出徙戎狄之地名

爾雅釋地西至於幽國謂之西極

永壽縣新志卷一

二

國語周語祭公謀父曰我先君不窋用失其官而自窋於戎狄之間韋昭注不窋去夏而遷於幽幽西接戎北近狄也

列子湯問篇夏革曰朕西行至邠人民猶是以是知四極之不異

按說文幽邠二字並收幽注云美陽亭即幽也邠注云周太王國在右扶風元和郡縣志云開元十三年以幽與幽字相涉詔曰魯魚變文荆并誤聽欲求辨惑必也正名改為邠字唐會要云開元十三年二月

二十二日改幽字為邠自唐以後皆作邠

太平寰宇記邠古西戎之地本周公劉所居

按篤公劉第五章云既溥既長鄭箋云公劉居邠既廣其地之東西又長其南北以今疆域考之跨有寧邠耀同官三水淳化數州縣之地詩正義幽國不過百里之說非是不獨永壽一邑也然唐杜佑以永壽爲南幽明文翔鳳以永壽爲西幽而宋敏求長安志

大清一統志陝西資政錄縉紳錄縣舊志統名永壽爲古幽蓋此邑雖非幽國之全實居幽土之腋九谷考云永壽幽之腋原造邦作邑之始者孰得而遺之哉

禹貢雍州之域

爾雅釋地河西曰雍州李巡注其氣蔽塞故曰雍

藝文類聚雍州西北之位陽所不及陰氣壅遏故取名

焉太平御覽同

劉熙釋名雍翳也四山之所壅翳也

周屬秦

漢書地理志古秦地詩風兼秦幽兩國

元和郡縣志邠自周東遷其地入秦

秦爲內史地

漢書百官表內史周官秦因之掌治京師顏師古注秦改立郡縣而京畿所統特號內史言其在內所以別於諸郡守

漢爲右扶風漆縣地

史記周勃傳漢王元年周勃北攻漆正義云幽州新平

縣古漆縣

後漢書注漆在今邠州新平縣地

元和郡縣志新平本漢漆縣屬右扶風

路史漢漆縣今乾州之永壽縣

尋置好時縣東漢因之

見舊志

漢書地理志好時峽山在東梁山宮秦始皇起

按好時縣自漢晉以迄宋金代有廢置水經注云莫水東有好時縣故城王莽之好邑也通典云好時本漢縣故城在今縣南十三里元和郡縣志云好時縣東十三里有漢好時故城太平寰宇記云漢好時故城在奉天縣東北七里岑陽鄉唐好時故城在縣西

北六里隋太子莊陵城是又云漢好時舊縣在今好時縣東南四十三里奉天縣界好時故城是明一統志雍勝略並云好時在乾州東七里陝西通志云好時在乾州乾州志云州東十里有好時村歷觀諸書皆指乾州而不指永壽其說似乎有徵然余更考之漢陸賈家於好時而今永壽有陸賈墓後魏扶風治好時而今永壽有扶風舊城隋改後魏之漢西縣爲上宜縣唐又改隋之上宜爲好時縣北宋因之而今永壽有好時故里又金史地理志好時縣有武亭河而武亭河在今永壽縣西一里其相傳正非無據矣總之南遷北徙治所靡常此界彼疆犬牙相錯猶夫

漢谷梁山有不嫌兩地並見者姑仍舊志用示闕疑
魏晉爲新平郡地

魏略李偉爲新平太守

晉書地理志新平郡屬雍州統縣二

元和郡縣志後漢置新平郡姚萇之亂此地郡縣並無
理所

太平寰宇記晉武帝分漆縣置幽邑縣苻秦時改漆取
郡名爲新平縣姚萇亂後廢

通鑑注晉分扶風置新平郡

按後漢書獻帝紀云興平元年分安定扶風爲新平
郡袁山松書興平元年分安定鶉觚右扶風之漆置

永壽縣新志卷一

五

新平郡魏晉並因之後魏屬涇州領縣四郡境廣袤
千有餘里永壽祇東南一角耳

後魏爲廣壽縣

太平寰宇記永壽縣後魏大統十四年於今縣北廣壽

原上置廣壽縣

雍勝略漢漆縣地後魏置廣壽縣

後周曰永壽縣

太平寰宇記後魏廣壽縣後周大象元年改爲永壽縣

陝西通志後周新平郡領永壽縣

舊志後周永壽縣卽今永壽鎮

隋省

太平寰宇記後周永壽縣開皇三年省入新平隋書地理志開皇四年改白土縣為新平縣

按隋書地理志新平為北地郡屬縣本西魏之邠州大業初州廢

唐復置隸邠州

舊唐書地理志武德二年分新平置神龍三年改屬雍州景龍元年復屬邠州

新唐書地理志永壽為上縣

元和郡縣志武德二年分新平縣南界於縣理北三十里永壽原西置永壽縣貞觀二年移於邠州東南興元二年又移於順政店

永壽縣新志卷一

六

太平寰宇記武德四年移於義豐墵

長安志唐光宅元年舊唐書作文明元年析邠州之永壽置奉天

縣乾寧二年以縣置乾州永壽屬焉後復隸邠州

後唐屬京兆府

太平寰宇記唐乾寧中割永壽屬威勝軍後唐同光中改屬京兆府

宋屬醴州

宋史地理志醴州本京兆府奉天縣舊置乾州長安志乾德二

年析邠州之熙寧五年長安志作三年廢以奉天還隸府政和

七年復以縣為州更名醴縣五永壽為下乾德三年省邠州來隸熙寧中廢乾州永壽及麻亭常寧二砦俱隸

邠州政和八年復來隸文獻通考同

金屬邠州

金史地理志邠州永壽縣宋屬醴州

文獻通考金邠州永壽諸縣隸陝西慶原路

續文獻通考永壽縣金屬邠州

元屬乾州

元史地理志永壽宋金屬邠州至元十五年徙縣治於

麻亭元至元十五年陝西通志作二年似誤

元單鵠學記今隸乾州

明屬西安府

續文獻通考元屬乾州明因之

永壽縣新志卷一

七

方輿紀要明西安領三十一縣永壽其一也

本朝初屬西安府尋屬乾州

陝西通志永壽縣明隸西安府乾州

國初因之雍正三年升乾州為直隸州永壽仍屬焉

大清會典永壽縣衝簡缺

郡縣釋名永壽唐縣名武德二年於永壽原西置永壽

縣因原為名

疆域

陝西資政錄在乾州北九十里舊志距西安府城西北二百五十里距乾州城北

北九里東至大派村醴泉縣界八十里舊志東南至醴泉縣界五十里西

至楊家村麟遊縣界三十里舊志西至麟遊南至乾州

界四十五里舊志南至乾州界五十里北至邠州界三十五里舊志西北

至邠州界東南至東五式村醴泉縣界九十里西南至

明月山乾州扶風縣二界八十里舊志西南至扶風縣界八十里東北

至邠州七十里西北至邠州界三十里舊志西北至邠州界五十里北

至邠州界四十里東北至淳化縣界八十里乾陵圖官道北至永壽縣六十里

縣冊東至淳化縣界八十里至淳化縣城一百四十里

西至麟遊縣沙坡界四十里至麟遊縣城一百一十里

南至乾州吳店村界五十里至乾州城九十里北至邠

州太峪鎮界四十里至邠州城七十里東南至醴泉縣

南坊村界九十里至醴泉縣城一百五十里舊縣至醴泉縣治九

十五里新縣至醴泉縣治一百三十里東北至三水縣界七十里至三水

縣城一百四十里西南至武功縣橋子口界一百里至

武功縣城一百三十里西北至邠州拜家河界三十里

至邠州城七十里

形勝

西安府志東環涇水西接麟遊

舊志東接涇水南抵乾陵西界麟遊北倚古豳東西諸

澗流水深長南北二壑峻岷重環山川險固地勢崔嵬

山川

梁山

舊志在縣南八十里

乾州志在州北十里高三百七十四丈

魏書地形志漠西縣有梁山
漠西在好時境

括地志梁山在好時縣西北十八里

地理通釋梁山在京兆府奉天縣北五里

按梁山距乾州為近去永壽差遠以其跨據兩界故州志縣志皆有之亦猶元和郡縣志成長盩鄠並載終南也如後五峯山互見乾醴此類甚多未可枚舉

五峯山

陝西通志在永壽縣東南八十里舊志作五十里即溫秀山一

名三陽山南界乾州東界醴泉發脉於分水嶺連延七十里陡起五峯為九嶠昭陵之祖脉山下有三女冢或傳為邑田氏三貞之墓未詳山上寺內有寶泉旱禱則

應

太平寰宇記永壽有溫修山一名溫秀山

長安志溫宿嶺漢時溫宿國人令居此田牧因以為名

隋書地理志作溫秀亦見醴泉

按古文宿皆作羞或作速禮記作肅周禮肅亦作宿蓋肅與宿通宿又與羞通而今人呼修秀又與羞音相近此溫秀山之所以作修又作宿耳當從隋志為

正

武陵山

縣圖在城外西南背在城

舊志山有武陵寺北魏平陽王熙建上有浮圖

分水嶺

舊志在縣北十里下有泉分流南北故名其南泉即呂

公渠之源

南流為泔河北流為太峪河詳後二河條其云南泉即呂公渠源說見藝文類郭邦基記

按關中分水嶺有二其一東西分流在漢中府略陽

縣境唐白居易元稹李商隱溫庭筠題詠者皆是也

其一南北分流在乾州永壽縣北吳融詩所云南隨

去馬北逐征人伍彬詩所云不改古今色平分南北

流即指此也名同易混不可不知

高泉山

元和郡縣志在縣北二十五里亦曰甘泉山

金史地理志永壽有高泉山

永壽縣新志卷一

十

太平寰宇記在縣北莫谷水出此

按高泉山即麻亭嶺在縣北二十里莫谷水所出也

舊志缺

永壽原

縣圖在縣西北

舊志缺

太平寰宇記本名廣壽原隋避煬帝諱改今名

陝西通志後魏廣壽縣以此得名

天堂山

舊志在縣西北十里有石洞如堂

盤道山

陝西通志在永壽縣西五里以徑路盤曲名

石牛山

舊志在縣西十里有石牛神廟

明月山

雍勝略在縣西南八十里夜望之如月

峴山

雍勝略在縣西南九十里

按長安志峴山亦見乾州漢書顏師古注峴音邱毀反

烈山

雍勝略在縣東南三里上有烈山祠

灰墪山

舊志在縣東三十里

按劉昭注郡國志引皇覽云漆縣有師曠山太平御

覽云師曠冢在右扶風漢漆縣屬名曰師曠山今諸

志無此山及冢或疑卽邠之司空山姑附此以俟考

莫谷水

陝西通志在永壽縣西北二里一名沐浴泉西流八十

里入乾州之夾道河又至武功縣爲遊鳳河其水常溫

宜沐浴故名張志縣西一里有溫泉冬不凝冰揆諸此泉其水常溫意疑卽一水故登此佚彼

水經注菴水出梁山大嶺泉南逕梁山官

按菴本作莫菴莫形近傳寫致譌夾又因菴而誤也

或又作漠

太平寰宇記莫谷水源出高泉山在乾州西北自永壽

縣麻亭嶺流逕好時本名安陽泉流逕莫谷故名後魏於水西置縣因名漢西漢西在乾州西北逼近縣界

〔乾州志〕莫谷河源出永壽縣逕州西南三十里入武功縣界合渭亦名武水

錦川河

〔明史地理志〕永壽西南有錦川河下流爲漢谷水

〔縣冊〕在縣西南六十里一名砂凹河流五十里入於乾州之龍塘合莫谷水

舊志在好時鎮東多錦文故名

〔陝西通志〕錦川水源出麟遊縣逕永壽縣西南合於安陽水

按錦川河卽砂凹河也俗名好時河張志分而爲二恐非

泔河

〔陝西通志〕在縣東一里一名東河自分水嶺東南流九十里入乾州界

〔乾州志〕甘谷河源出永壽縣界逕州東北四十里入醴泉縣界合涇

按東河卽石泉水從石穴中出通志泔河石泉分作二水似誤今從張志

指盤河

〔陝西通志〕在永壽縣東南四十里彭村里山勢迴旋其

水不涸不溢

舊志泉內有吼聲則風有礮聲則雨

太峪河

縣冊在縣北十里源出分水嶺東北流入邠州界

張志缺

邠州志太峪河亦曰公主川姜慶尙新平公主賜第於

此故名出乾州永壽縣界東北流逕邠州東南又東北

入於涇

唐書諸公主列傳元宗女新平公主常才人所生幼知敏習知圖訓帝賢之下嫁姜慶初州志

落初字誤也

焦家河

縣冊在縣東北六十里

騫家河

縣冊在縣東南八十里

庵頭溝水

舊志在縣東五十里

大乘溝

陝西通志在永壽縣東北四十五里永壽坊

聖母溝

陝西通志在永壽縣東北五十里其水北流入於涇

麻子溝

陝西通志在永壽縣南十五里古多漚麻於此一作麻

池溝

武亭河

舊志在縣西一里產上水石

陝西資政錄永壽縣西武亭河源出城西北麻亭嶺南流至乾州遶入渭河

長安志武亭水自好時縣來合渭水

靈泉

陝西通志在永壽縣北七里遇旱其上有霧卽雨

瀑布泉

舊志在縣西南十八里郝家坡飛流直下產婦汲之則水縮禳祭之乃復出

醴泉

舊志在縣東南三十五里彭村里久旱聞泉中吼聲則

永壽縣新志卷一

古

雨以穢物投之水卽滲入土中待穢盡乃復出人呼神泉

平泉

舊志在縣東北二十里平地湧出味甘久旱不涸

漆泉

陝西通志在永壽縣北四十五里其色如漆

甘井

舊志在縣西南二十五里

美井

舊志在縣南四十里

水利

呂公渠

陝西資政錄在永壽縣北五里源出分水嶺有三泉匯為一亦謂之呂公惠民泉金太和中主簿邢珣元延祐中處士白用重修後漸堙廢

本朝康熙九年知縣張焜修復嗣以地震瓦溝壓裂雍正十年知乾州王以觀知縣黃中銓又修治之

陝西通志永壽縣乏井泉宋呂大防為令行近境得泉二欲導之入城而地勢高下不一乃用考工置臬法準之不旬日間疏為渠

賈志

即賈中丞漢復所修陝西通志

元至大二年邑人白用閒行至北

郭五里許俯瞰流泉汨汨而南乃以插掘地得導水瓦

溝引流直達城內民利賴之

縣冊乾隆四十一年署知縣鄭居中聚工重修立碑於北門口題曰餘澤渠有碑記其事

益民泉

陝西通志益民泉在永壽縣西北三里舊流入街市居民便之今廢

好時河

縣冊在縣西南好留里一名砂凹河其源出麟遊縣月

原莊至縣屬水蘭山麓

水蘭山約在縣西北境距城過里數無考新舊志均未載入

安頭杜家堡樊家堡解家堡吳家堡王家街高崖頭楊木灣等村莊計長二十餘里逾武功縣境入渭河灘寬

四五丈至十餘丈不等河水寬六七尺至一二丈深一尺餘至五六尺不等河東舊有渠三道一爲趙家渠係縣民趙姓闢戶於

國朝雍正三年十月間開濬寬四五六七尺深三四五六尺不等長一百八十丈溉田一頃六十畝一爲西渠係縣民解李趙等衆姓於乾隆十一年正月間開濬寬三四五六尺深二三四五尺不等長一百五十一丈溉田九十畝一爲解家渠係縣民解良策於乾隆十一年二月間開濬寬三尺深三四五尺不等長二百八十丈溉田五十畝河西舊有渠三道一爲李家渠係縣民李有春於乾隆九年二月間開濬寬二三尺深一二三尺不

等長一百四十丈溉田八畝一爲樊家渠係縣民樊作欽於乾隆十年二月間開濬寬五尺深二三四尺不等長四百一十丈溉田五十畝一爲王家渠係縣民王偏子於乾隆十一年二月間開濬寬二尺餘深二三尺不等長一百八丈溉田二十畝又前令莊學申於乾隆十二年十月間勸令縣學生解鳴周及樊吳劉趙等衆姓於河東開濬新渠一道名解樊渠寬二尺深一丈四五尺長五百三十丈溉田三頃又於乾隆十三年二月間勸令縣學生杜芳於河東開濬新渠一道名杜渠寬二尺五寸深三尺長一百三十二丈溉田十畝合東西新舊渠八道共溉田六頃八十八畝

按水利之興所以時蓄洩備旱澇也永壽故山國地分五等好留里多一等地者渠水之利使然矣

涇水

明史地理志永壽東有涇水

長安志涇水自乾州永壽縣東北流入醴泉縣界

按史稱始皇之初鄭國穿渠引涇水溉田沃野千里民賴其饒者二千年元祭酒李惟中行御史臺刻涇水爲圖集古今渠堰興壞廢置始末與其法禁修例田賦名數民庶利病合成一書信乎大有裨於治也然涇水所溉之地祇及涇陽高陵櫟陽雲陽三原富平醴泉而區區永壽竟不獲沾其餘潤者何歟昔人著涇渠總論嘗推言其故矣蓋涇水出安定郡峴頭山西自平涼界來逕邠州入乾州永壽界千有餘里皆在高地東至仲山谷口乃趨平壤於此始可鑿滄以溉七邑之田則自永壽以西斥鹵磽确未可以人力疏也後之留心水利者豈容冒昧從事哉

永壽縣新志卷二目

古蹟

宮殿

郊垆

故城

第宅

寺廟

陵墓附義冢

永壽縣新志卷二

知縣蔣基重修

古蹟類 官殿 郊坵 故城 第宅 寺廟 陵墓

官殿

秦梁山宮

舊志在縣南八十里秦始皇建

史記秦始皇本紀三十五年帝幸梁山宮徐廣曰從山

上見丞相車騎衆

三秦記梁山宮城皆文石名織錦城

三輔舊事秦內外宮觀二百四十五而惟祈年長信梁

山三宮為最先

永壽縣新志卷二

奉元州縣圖志永壽有梁山宮秦時宮殿一百七十在

縣境者獨此而已亦見乾州

按長安志有山桀宮疑即梁山宮以梁桀字形相近

而誤耳

軒轅殿

括地志好時有軒轅殿秦靈公作上時祭黃帝作下時

亦祀黃帝

陝西資政錄軒轅殿在永壽縣南五十里史稱黃帝遷

徙無常以兵壘為營衛之所或云秦時始建時郊似本

於此

郊坵

上古鷄間

〔晉書苻堅載記〕新平王彤上疏曰臣從京兆劉湛學明

於圖記謂臣曰新平地古顓頊之虛里名曰鷄間永壽本晉

新平地

夏漆虛

〔路史〕夏漆國卽漢之漆縣在乾州之永壽漆者防風氏

之姓

姓一作墟

按容齋續筆云郡縣山川之古蹟朝代變更陵谷推遷蓋已不可復識如堯山歷山所在多有之皆指爲堯舜時事編之圖經會稽禹墓尙云居高山之巔至於禹穴則強名一罅不能容指不知司馬子長若之

永壽縣志卷二

二

何可探也舜之蒲坂實今之河中所謂舜城者宜歷

世奉之惟謹考張芸叟河中五廢記云蒲之西門所

由而出者兩門之間卽舜城也廟居其中唐張宏靖

守蒲嘗修飾之至熙寧之初垣墉尙固曾不五年而

爲堦陶者盡矣舜城自是遂廢又河之中冷一洲島

名曰中渾所以限橋而不知其所起或云汾陽王所

爲以鐵爲基上有河伯祠水環四周喬木蔚然嘉祐

八年秋大水馮襄了無遺迹中渾自是遂廢顯顯若

此他可知矣東坡在鳳翔作凌虛臺記云嘗試登臺

而望其東則秦穆之祈年橐泉其南則漢武之長楊

五柞其北則隋之仁壽唐之九成也記其一時之盛

雄傑詭麗堅固而不可動然數世之後欲求其髣髴而破瓦頽垣無復存者謂物之廢興成毀皆不可得而知則區區泥於陳跡而必求其是蓋無此理也洪邁之說如此由是推之則鷄閭漆壤皆越在數千載以前其有無虛實又孰從而証之乎疑以傳疑不爲臆斷此古人撰述之法也必曲爲之辯則慎矣

漢種金坪

舊志在好時鎮西北漢婁敬種金處

驪山亦有種金原

故城

晉姚秦故城

杜氏通典姚興將齊難故城在縣西其南東北三面險

絕

後魏南幽故城

杜氏通典南幽城後魏末置在縣北其東西南三面險

絕

扶風故城

舊志右扶風城在縣南四十里今廢爲民田

按此非兩漢之右扶風也故秦內史漢武帝建元六年分爲右內史太初六年更爲右扶風而治於內史右地在渭橋石柱以北自魏文帝除右字爲扶風郡晉永安元年移扶風於始平之文學城至後魏始移治好時今縣南扶風廢城是舊志妄增右字遂令人

疑爲漢郡治所有豪釐千里之謬

後周醴泉苑

〔元和郡縣志〕後周置醴泉苑在永壽縣東北十里唐義豐舊里

〔太平寰宇記〕武德中移永壽縣理於義豐塢順政舊理

〔元和郡縣志〕興元中移永壽縣理於順政店好時舊縣

〔舊志〕好時本漢縣屬右扶風在舊縣東南四十三里好時故城是時者神明之所依止也以雍州積高神明之隩故立時以祀上帝諸神

〔張志〕好時在乾州東七里漢置後周省或非今之好時也俟再考

按元和郡縣志云漢好時舊縣在今好時縣理東南十三里太平寰宇記作四十里二說不同未可偏信惟長安志云好時唐畿縣東南至京兆府一百八十里今以永壽疆域考之新治至西安府二百五十里而舊治至府二百二十餘里較近二十餘里至唐好時縣四十三里所謂好時鎮者亦在舊治西南四十餘里至西安一百八十里與唐故城處所雅合舊志旣誤以好時里爲漢舊治張志又不能辨其爲唐故城胥失之矣

上宜舊縣

〔張志〕縣境舊有上宜里以唐縣得名今與彭村合并名曰上彭

〔隋書地理志〕上宜舊有漢西縣

〔陝西通志〕後魏置漢西縣隋改上宜唐又更上宜曰好時在今乾州西北

按隋之上宜唐宋之好時皆後魏漢西縣地當時疆域兼跨乾永兩界是以至今里鎮猶襲舊名非所謂不虞君之涉也並志於此以備參稽

第宅

新平公主第

永壽縣新志卷二

五

〔方輿紀要〕在永壽縣北十里大峪河上唐元宗女下嫁姜慶初賜第於此因名公主川慶初故秘書監皎之子也

明韓桐讀書洞

〔陝西通志〕永壽穆陵關有韓桐讀書洞

附 永壽十四景曰南嶺朝雲曰西山夕照曰東岑聳翠曰北泉流清曰渠聲夜響曰塔影晝圓曰四圍嵐色曰兩澗暮煙曰柏壇垂蔭曰翰墨泉香曰橋門曠覽曰道院奇葩曰碧峰遺衲曰浮圖燕集

寺廟

玉皇閣

〔張志〕在縣東門外明知縣侯命建

關帝廟

〔張志〕一在縣東六十里常寧鎮一在永康里淡村

按 宸垣識略載關帝廟頗詳其最勝者曰翊天曰護國曰萬壽其不經者曰姚彬曰五虎而宣武街西之雙關帝廟一祠兩像尤為奇絕然祇云在某門某街某年建立以存舊迹而已獨於地安門之關帝廟則歷舉帝之明威顯績美謚徽稱三代之封二仲之祭無少遺焉者以斯為

國朝鉅典之所在也永壽小邑帝廟有三今著其一於祀典而列其二於古跡實倣識略之例云

文昌閣

〔張志〕閣久廢前令李如瑾立像於南城并新其閣今又廢

縣冊乾隆五十八年知縣蔣基改建於縣南關

東嶽廟

〔張志〕在縣東六十里常寧鎮

老君廟

〔張志〕在東嶽廟側

元帝廟

〔張志〕一在縣北門內一在好時鎮

烈山神廟

〔雍勝略〕烈山祠在永壽縣東南三里烈山上

石牛神廟

張志在縣西十里石牛山

婁敬廟

張志在縣西南八十里明月山

陸賈廟

張志在縣南五十里今廢

孫真人祠

俗名藥王廟

張志一在南堡山頭一在蒿店鎮一在監軍鎮今一在城內

武陵寺

俗名南寺

舊志在縣西南武陵山白茂才考實云碧峰禪師至金

陵明太祖賜袈裟今尚存寺中又云此寺最古北魏元

熙建

雲寂寺

縣冊在縣西三十里杜家磴

舊志碧峰禪師出身之地

明一統志在縣西北五十里

天堂寺

通志疆域圖在縣北十里天堂山今廢

崇恩寺

縣冊在縣南七十里好時河

舊志寺中有古柏三株

觀音堂

通志疆域圖在石牛山之東沐浴河之西

舊志一在內城門內一在堅固莊菩薩坐下有泉天旱

祈禱極應寺中竹木蕭疎境頗幽寂

龍泉寺

縣冊在縣東南四十五里谷屯村

寶覺寺

縣冊在縣北四十里永壽坊

漆泉寺

縣冊在縣東七十里騫豆村

聖壽寺

縣冊在縣南九十里店頭鎮

永壽縣新志卷二

八

妙覺寺

縣冊在縣東三十里渡馬河

常寧寺

縣冊在縣東六十里常寧鎮

平陽寺

縣冊在縣西二十里平窰村

香山寺

縣冊在縣南四十里監軍莊

雲壽寺

縣冊在縣北五十里車村溝

寶峰院

縣冊在縣北六十里洛安村

清寧觀

縣冊在縣北五里三清殿

清宣觀

縣冊在縣西三十里樊家坪

真如院

張志未載

縣冊在縣南三十里甘井村

雲壽院

久廢不知處所

陵墓

宇文陵

陝西資政錄舊好畤里東有宇文陵今蕩無遺址

永壽縣新志卷二

九

按宇文係後周國姓長安志云後周文帝陵在富平

宇文陵在好畤東一十五里然但稱宇文已不知為

有周何帝陵矣

陸賈墓

舊志在縣西南五十里

通志疆域圖永壽縣陸賈墓在錦川河之東

按明一統志云陸賈墓在乾州城東北一十八里非

是

婁敬墓

廣異記漢建侯婁敬晚年屏跡山林駐顏鉛汞丹成尸

解今明月山有石匣藏其蛻骨

〔西安府志〕婁敬墓在鄠縣婁村而咸陽志云敬墓在縣東北三十里隴州志云敬墓在州西四十里俱無所據又永壽縣志云敬晚歲投閒好時將卒召里人爲立祠今祠案石匣是其遺骸然班馬地近時同史傳尙且缺如永志之說亦難盡信

長孫無忌墓

〔舊志〕在車村里永壽坊

按新舊唐書皆云初無忌自作墓昭陵塋中其後謫死黔州至上元元年始追復官爵許還葬而昭陵圖有長孫璿長孫敞并無忌墓而三昭陵志云無忌墓文俱失徒存無字碑陝西通志云趙公墓文在劉洞西村不審何緣卜葬車村也宋次道嘗云大抵古人陵墓圖志雖載其處然亦不敢必其所指是亦知之之一道也斯言得之矣

安金藏墓

〔舊志〕在安家營

縣圖墓近五峰山有豐碑古木

七女墓

〔舊志〕在縣東南永康里土崗上有七冢不知何時人

二女冢

〔陝西資政錄〕在永壽縣東南五十里五峰山下或傳爲邑田氏三貞之墓

義冢附

〔縣冊〕一在縣城南門〔張志〕漏澤園在南門外五里楊邦梁施地即此一在監軍

鎮香山寺東南

永壽縣新志卷二

七

永壽縣新志卷二終



第二冊

卷三

建置

卷四

風俗

土產

卷五

賦役

祀典

卷六

職官

選舉

永豐縣志

永壽縣新志卷三日

建置

城池

公署

編戶

關梁

鎮堡

市集

倉儲

養濟院附

學校

郵遞

營汛

演武場附

永壽縣新志卷三日



永壽縣新志卷三

知縣蔣基重修

建置類

城池 倉儲

公署 學校

編戶 郵遞

關梁 營汛

鎮堡

市集

城池

陝西通志永壽縣城元至元二年徙建麻亭鎮明天順二年知縣郭質嘉靖四十五年知縣崔炳俱重修周五里明末被寇盡圯因築寨於虎頭山居之

本朝順治丁酉知縣李如瑾築寨下南關有貢生趙運熙記康熙八年知縣張焜創建新城西南依舊寨四方舉律中央坦夷匾曰金盤城周三里高二丈八尺土築闕西門大小各一曰金盤曰康阜建門樓二角樓四自為

永壽縣新志卷三

文記之

趙張二記以冗長未載藝文其大畧如此

張志西南倚舊堡東北建築周三里共二百一十二丈三尺高二丈八尺又三面小牆並北城樓一座舊濠深一丈今廢

縣冊乾隆十七年知縣黃義詳請興修十八年三月二十日鳩工十九年十月二十日工竣動

帑銀六千四百六十二兩有奇是年冬知縣潘偉更集貲詳准增開南北兩門并南城門樓一座四十九年知縣許光基又增置北城門樓一座五十四年知縣蔣基捐養廉九百零七兩重修

公署

知縣署

陝西通志永壽縣署舊在麻亭鎮城內東偏明洪武二
年建崇禎末寇燬移治虎頭山

本朝康熙八年知縣張焜創建於新城重門堂室吏舍倉
獄煥然悉備

張志舊在城內東偏久廢今建南堡內

縣冊乾隆四十七年知縣許光基新葺書屋三楹顏曰
西爽軒五十六年知縣蔣基復捐俸修理

典史署

縣圖在縣署正東

訓導署

縣圖在縣署正北

把總署

縣圖在縣署正東

係張令建學舊址嗣學官移置縣治
北卽其地改建營汛署年月失考

南北察院

張志僅存

陝西通志永壽縣有布政司關內道行署今俱廢

巡檢司

張志舊有土副巡檢司久裁缺又有永安驛丞解在縣

治西北底窖鎮遞運所在縣北蒿店鎮遞運所在縣南
俱裁又陰陽醫學僧會司道會司今並廢

編戶

張志舊編戶十里自遭明末兵燹戶口減半
本朝順治四年并爲五里
在永里

陝西資政錄舊曰在廓曰永康俱在縣南四十里今各
取首一字并爲一里

車平里

陝西資政錄舊曰車村曰平泉車村在縣北五十里平
泉在縣正東六十五里今并平泉又名應村

常強里

陝西資政錄舊曰常寧曰強化常寧在縣東六十里強
化在縣東南七十五里今并又取下一字改稱寧化

上彭里

陝西資政錄舊曰上宜曰彭村上宜在縣西三十五里
彭村在縣東四十里今并

好留里

陝西資政錄舊曰好時曰留村好時在縣西南八十里
留村在縣西南六十里今并

關梁

莫營關

陝西資政錄在永壽西南今廢

杜氏通典永壽有後魏莫營關關一作間誤

穆陵關

陝西資政錄在縣西南十里

陝西通志宋嘉祐四年置

按地圖總要又有秣陵關在縣南竊疑莫穆秣三字俱屬唇音營陵二字俱收鼻音莫營穆陵秣陵或祇一關也

土橋

陝西資政錄在縣東南五十里安家營醴泉過橋南泄澗下

鎮堡

監軍鎮

陝西資政錄在縣西南四十里衝地自經明末兵燹至

永壽縣新志卷三

四

本朝康熙初諸鎮尙多殘毀惟此鎮稍有人煙百餘年來休養生息物阜民殷軒車輻輳居然巨鎮矣

舊永壽鎮

陝西通志在縣南三十里

按此卽舊縣治今麻亭新縣治元至元中始徙建也

常寧鎮

陝西資政錄在縣東六十里

宋史地理志熙寧中永壽及麻亭常寧二砦俱割隸邠州

金史地理志永壽有常寧寨

麻亭寨

九域志麻亭在永壽縣

元一統志至元中徙永壽治於麻亭

高店鎮

陝西資政錄在縣南二十里往來要路明設遞運所兼

治大使

本朝雍正六年裁

底窖鎮

陝西資政錄在縣北三十里道出邠州明亦置遞於此

乏牛鎮

通志疆域圖縣西有乏牛鎮

陝西通志在縣北十里

窰園舖

通志疆域圖在縣東北二十五里舊志作塢塬字誤

儀井鎮

陝西資政錄在縣西南七十里

平窰堡

張志出礫炭有陶埴在今陶埴移於樊家坪

店頭鎮

陝西資政錄在縣南九十里

張志店頭平窰諸鎮今俱頽廢

市集

桓譚新論漆縣民有會日以相與夜中市

說文解字 幽俗以夜市

輶軒瑣記 永壽縣惟監軍鎮逢二四七九等日為市計

每月十二日其常寧店頭儀井諸鎮皆以單日為市

按邑民有會即有市易如正月十六日南寺二月十

九日堅固莊二十三日東岳廟三月三日馬王廟七

月十五日八月初二日城隍廟五月十三日九月十

三日關帝廟皆會聚互市處也然率不過一兩日輒

止惟四月八日城隍廟之會為獨盛或淹至二三十

日云

倉儲

常平倉

永壽縣新志卷三

六

縣冊凡四曰廣積曰豐儲曰萬盈曰大有俱在縣署東

北額貯京斗穀一萬七千二百四石

社倉

縣冊凡六額貯京斗穀八千九百一石六斗六升三合

監軍社在監軍鎮額貯京斗穀一千六百九十石五斗

九升一合

應村社在應村堡額貯京斗穀一千五百八十七石二

升三合三勺內分貯車村社京斗穀三百六十石實止

貯京斗穀一千二百二十七石二升三合三勺

車村社在車村額貯京斗穀三百六十石

原未報即在應村社統報

常寧社在常寧鎮額貯京斗穀一千一百七十石一斗

七升三合三勺

甘井社在甘井村額貯京斗穀一千二百九十石一斗三升九合四勺內分貯馬坊社京斗穀六百五十八石九斗七升九合四勺實止貯京斗穀六百三十一石一斗六升

馬坊社在馬坊村額貯京斗穀六百五十八石九斗七升九合四勺

原未報即在甘井社統報

東原社在儀井鎮額貯京斗穀一千一百六十八石一升四合七勺

西原社在坊裏村額貯京斗穀一千一百八十五石七斗二升一合四勺

養濟院

附

張志廢

學校

入學額數

大清會典永壽小學歲科試額進文生員八名歲試額進武生員八名

學田

陝西通志永壽學田三頃一畝五分租銀十三兩一錢三分八釐五毫

義學

陝西資政錄永壽舊無義學康熙七年知縣張焜仰五

里士民各推諸生一名於每里人煙湊集之處設立義學五所俾貧家子弟咸得從師肄業每年捐俸金二十五兩爲五學館穀之費今僅存二處一在縣城內一在監軍鎮各給銀三兩二錢八分四釐

祭器

〔學冊〕鐵鼎鑪一座 鐵香鑪九座 銅獻爵七十具

銅香鑪二座 銅花瓶一對

書籍

悉據學冊開列

御選古文淵鑑二套二十四本 康熙四十年發

御製訓飭士子文一本 康熙四十六年發

御批資治通鑑綱目八套八十本 康熙五十二年發

永壽縣新志卷三

御纂朱子全書六套六十本 康熙五十四年發

御纂周易折中二套二十本 康熙五十六年發

御纂性理精義二套十本 康熙六十年發

欽定春秋傳說四套四十八本 雍正二年發

聖諭廣訓一本 雍正五年發

欽定詩經傳說四套四十八本 乾隆元年發

欽定明朝四書文十四本

欽定本朝四書文八本 俱乾隆九年發

御選唐宋文醇一套二十本

欽定科場條例四本續增二本 俱乾隆二十年發

御纂詩義折中一套八本

御纂周易述義一套四本

御製平定準噶爾文俱乾隆二十三年發

御纂春秋直解一套八本乾隆二十八年發

欽定三禮義疏一百三十本乾隆二十九年發

御製詩文初集二集十三套八十六本乾隆三十八年發

欽定學政全書一套十二本乾隆四十一年發

御製平定兩金川文乾隆四十二年發

周易注疏一套四本

尚書注疏一套四本

毛詩注疏二套十六本

周禮注疏一套十二本

《永壽縣新志卷三》

九

儀禮注疏一套十二本

禮記注疏二套二十本

春秋注疏二套二十本

公羊注疏一套八本

穀梁注疏一套六本

論語孟子注疏一套十本

爾雅孝經注疏一套四本

史記二套二十本

漢書二套十四本

後漢書二套二十本

三國志一套十二本

晉書四套三十八本

宋書二套二十四本

南齊書一套十本

梁書一套八本

陳書一套四本

魏書二套二十四本

北齊書一套八本

後周書一套八本

隋書二套二十本

南史二套二十本

北史三套三十本

唐書四套四十四本

五代史一套八本

宋史十套一百本

遼史一套八本

金史二套二十本

元史五套五十本

明史一百一十二本

孝經注解二部二本

大學衍義輯要二本

大學衍義補輯要六本

四禮初稿一本

四禮翼一本

近思錄集解二部八本

小學纂注二部八本

駁呂留良四書講義八部八十本

在官法戒錄二本

從政遺規二本

養正遺規一本

訓俗遺規二本

教女遺規一本

豫章學約一本

化誨回回條約一本

永壽縣新志卷三

七

綱鑑正史約十六本

壇廟儀注一本

鄉飲儀注一本

文武官接見儀注一本

申飭官箴檄一本

陝西興除事宜一本

方望溪集二本

罵錢名世詩一本

郵遞

永安驛

陝西通志永安驛在城中知縣管理西北至邠州

新平驛七十里

縣冊本號馬共計七十三匹內永安驛馬四十四匹夫一十九名歲支工料並修理銀一千二百五十七兩內縣馬五匹歲支工料並修理銀一百一十三兩鳳翔寶鷄山岔松林馬道五處協濟馬二十四匹夫一十二名歲支草料並工食銀七百二十五兩四錢二分二釐

陝西通志永壽縣總舖在城內其南十五里蒿店舖十五里舊永壽舖十五里安家舖至乾州陽峪舖十里其北五里乏牛舖十五里窰園舖十里底窰舖至邠州太峪舖五里共設舖遞七處舖司共三十名每年支工食銀一百三兩七錢八

永壽縣新志卷三

土

分三釐

營汛

陝西通志分防永壽把總一員馬戰兵四名步戰兵四名守兵三十八名屬慶陽協

按乾隆四十六年十一月添設馬戰兵八名步戰兵四名守兵八名共六十六名

縣圖營房墩臺四一在縣南門外一在縣南二十里蒿店一在縣南四十里監軍鎮一在縣北二十里窰園舖

演武場附

張志舊在南門外地高風烈不可以觀射明知縣侯加乘創建於縣治東

按國家致治之法律武修文二者實相經緯凡郡邑之演武場幾與黨庠塾序並列余初莅永日問所爲演武場基址渺不復存迨縣試則擇郊外間田開場較藝詢諸同城武員其騎射亦鮮定所乃余遍觀應考入伍之倫間獲穿楊貫扎之技信乎有治人無治法在其人能自樹立尤貴膺董率之任者因而利導之非必規規於居肆成市一語矣

188

永壽縣新志卷四目

風俗

性習

禮儀

歲時

占候

方言

土產

穀屬

貨屬

蔬屬

果屬

藥屬

木屬

花屬

草屬

禽屬

獸屬

蟲屬

永壽縣新志卷四

知縣蔣基重修

風俗類 性習 禮儀 歲時 占候 方言

性習

漢書地理志昔公劉遷豳其民有先王遺風好稼穡務本業故豳詩農桑衣食之本甚備

漢匡衡政治得失疏太王躬仁豳國貴怒

帝王世紀古公居豳以修德為百姓所附

魏書陸俟傳險絕之土民多剛強

唐鄭處誨邠寧節度使廳壁記邠俗質其民樸而易理業尚播種有后稷公劉之遺

永壽縣新志卷四

太平寰宇記邠俗尚勇力習戰備居戎狄處勢使之然思庵野錄豳詩樂而不淫便見得豳俗好

元一統志野無惰農邑有高廩

明一統志士勤詩書代不乏人屏絕浮屠不事工賈

大清一統志乾州俗務耕織

郡國利病考邠民鄙嗇寒儉鮮僂黠詭佞之習穴窳而居衣履悉布素

陝西通志公劉立國於豳復修后稷之業其民勤稼穡重桑麻太王居邠民猶尚質羸秦以後政異俗殊矣

關內周諮錄永壽人性愚戇公事惟吏稍識去就自餘莫能知也士多兼農擇師遠遊者鮮農勤作苦甘淡泊

貧者力備自資作奸者少百工不尚技巧作無用獨椎魯不能商販故里少素封之家

陝西資政錄永俗士敦禮讓守詩書農無閒功亦少餘粟工極拙一無長技器極質率多楷窳商惟麻纒菽麥銅鐵瓦缶以資民用婦女粗解縫紉不嫻紡績惟有會日則羣出購買衣裙紬布等物多於男子數倍觀優亦然又云永壽固多良民然游賭成風敗類亦復不少市廛曲巷無處無之洵奸之藪而盜之源也稂莠不除嘉禾不茂洎茲土者嚴加禁草鋤而去之庶幾風淳俗厚又云永民土著者少大半皆甘肅山西諸外省人僑寓入籍而山西人尤多惟務逐末或專以放債營生其息重者加一輕者猶三四分至七八分不等徃徃有未滿一歲而子已浮於母者其後告貸寢多或無力而不能償或有力而不肯償紛紛構訟終歲不休若遇年饑卽不復出借爭訟稍減而貧民亦頗苦之

張志邑介邠乾之間俗尙大約相同但邠地膏腴宜果蔬乾地溫燠宜桑棉而永壽自耕播之外別無事事織紝之功販鬻之利漫而語之譬則聒蒙古以梵呪而服吳牛以轅輓也獨其節嗇勤儉有七月之風至魯至道在司教化者一轉移耳又云永士資稟器識丰格好尙氣誼節概皆不下於他州縣加以績文種學何難軼類超羣

禮儀

關內周諮錄人不知冠久矣娶婦前一日冠帶拜見尊長尊長酌以酒或其遺意云

蒲城縣志冠加於首所以象天也最宜雅重古時制度無論矣今則夏涼冬暖各有定制又有帽頂以別貴賤用之者不可不審也

乾州志成人之禮父醮子三加冠而三祝之古禮也廢之已久不但乾屬

輶軒瑣記乾永婦人雖盛妝亦必以白布飾其首蓋西方金也西南有太白山故多尙白從來遠矣

按永俗少婦飾首用各色紬布老婦則多用白

陝西通志婚用酒食召親友婦以聲樂迎導貧者無之輶軒瑣記婚之三日婦家送飯姑姊諸母悉來看女

關內周諮錄永俗婚不論財有年十三四而娶者有兒女襁褓時卽締姻者 又云媒妁言先後男家肅帖拜謝起媒接媒會親納幣豐約不等成婚之日迎婦入門拜天地祖先合巹相引新郎婦同過筵間謂之轉筵三日拜尊長下厨十日備禮回門此其大略也

乾州志婚姻極重媒妁初議不用庚帖卽用帖亦無字樣二姓悅則女家待媒卽爲允親行文定禮用財物幣帛果儀等鼓吹前導迎至女家及筭時又用釵釧冠簪之屬始以鸞箋通男女年庚士大夫家間用親迎禮庶

民則否近俗人多貧窘不行六禮或男家備妝奩亦覺簡便不致失時

〔關內周諮錄〕喪卽日成服三日卽弔奠有力之家不別親疎搭布散衣帽名曰散孝又以各色紙結金銀山斗層樓駝獅象馬及幡幢帛聯亦有作佛事者

〔陝西資政錄〕二十七月除服乃古今南北無異者乾永必滿三週始免素服女子旣嫁降服期年乾永卽已嫁女亦滿三載而除雖踰乎禮要亦不失乎情也

〔關內周諮錄〕祭於新喪鄉人以三日七七百日三週稱力備儀燒紙錢奠酒哭拜服除則已凡入學登科拜官焚黃等多在墓前備牲設樂請相禮贊行九拜三獻禮

按七七之說起於釋氏不知何王時用爲治喪之禮嘗考北史胡太后父國珍卒詔自始薨至七七皆設千僧齋北齊書孫靈暉爲國子博士授南陽王綽經緯誅廢每七日恒爲請僧設齋然則七七之見於史傳者實自南北朝始李習之去佛齋說楊垂撰喪儀其一篇曰七七齋日送亡者衣服於佛寺以伸追福此傷古禮宜去之今永俗雖沿故習然惟有力能延僧道之家始一爲之餘不盡爾也至親友相弔用七七者抑又甚矣

〔乾州志〕祭祀儀文前輩先達教人必依文公家禮至今相習歲久不增減或喪或葬頗有可觀

輜軒瑣記喪葬有棺無槨貧民不能買棺則掘土數尺而埋之并無太古之藁裡矣

陝西資政錄鄉飲率以春季舉行大賓介俛必推齒德兼優者然儀簡節疎不能盡合於古

按鄉飲賓禮舊志張志俱不載又無陳冊可稽未免失之疎漏茲欲畧見梗概姑就近歲舉行著在新冊者錄次如左

縣冊乾隆四十九年大賓陳新歲貢介賓師有命生員趙繼

監生者賓王繼先成學禮 五十年大賓宋經世歲貢介賓

梁大鵬生員者賓陳光李協焜 五十三年大賓張星聯

歲貢介賓師懋修廩生李英生員者賓侯鐸任通憲張國校

按乾隆四十七年尙有大賓宋之楠係丁卯科副榜官教諭介賓者賓則已遺其姓氏矣

又按興平縣志鄉飲孟冬朔孟春望今永壽亦然至執事生員八九人歌詩童子六七人則惟興平有之各縣俱無不獨永壽也

舊志明知縣侯命置射器於朔望日令諸生習射行禮國初知縣傅性良復舉行如禮

輜軒瑣記賀生子相索酒食謂之破賀賽神以所獻果肴瓜分謂之散供亦曰散福

邠州志交際於吉禮則布帛交餽凶禮則牲食恒儀則以酒肉從其質也

歲時

〔月令廣義〕元日民間俱貼新桃符以後遞飲食相邀號傳坐

〔輶軒瑣記〕立春前一日有司迎春於東郊地保扮戲劇鑼鼓彩旗聚觀雜沓 元宵居民各立社會宰猪羊設香燭張鼓樂在廟迎神又用熟麵湯雜果菜曰元宵米茶 二月二日踏青選勝採野菜供食 清明日拜掃祖先墓 四月麥熟女爲新麥食送其父母諺曰麥上塲女看娘 端午民間小兒女繫五色絲艾虎 七夕兒女設瓜果豆芽祀告織女神 八月十五以瓜果香餅賞月各以月餅相饋遺 九月九日登高飲茱萸酒

永壽縣新志卷四

六

十月秋成報答土功祭獻羣神 冬至士夫家祭祖先親朋相拜賀如正旦村民則否 臘月二十三日夜設餅餌果酒祀竈神 除夕設歲宴間有守歲者

〔乾州志〕元日慶賀元夜張燈在昔頗號繁華自經兵荒一年好景變爲寂寞惟仲春之候行郊野攜酒榼名曰踏青韻事猶爾清明於前一日祭新塋本日起遠祖或飲福於壟上或享燔於室中不似他郡邑先期多日便行祭掃端午天中節艾酒角黍其常也以五色絲繫長命縷古人長幼皆然乾俗惟繫小兒女臂上以雄黃酒代菖蒲中秋賞月九日登高無異於他處十月朔感霜露之悲祀先爲大臘八日踵浴佛之事噉粥亦宜至日

則慶序首除夕乃守歲終今古同也

皇華載筆乾永古樸無雜戲每逢佳辰令節酒醴肴核各從其便家人父子各盡其歡惟元宵社火扮演故事船燈竹馬採茶秧歌迄今始有古昔無之

占候

玉燭寶典立春日喜晴厭雨天下同之

受祺堂集元宵諺云風吹元夜月雨灑清明節

月令廣義二月十二日花神生日晴則百花成果實茂皇華載筆穀雨日貼厭蝎符於壁書咒其上

田家日月四月朔占秋糴風從南來西來者賤逆此者貴

永壽縣新志卷四

七

四民月令六月六日藏水待用久不壞初伏頭雨則旱諺云六月六日雨菜根遭蟲蛀

受祺堂集中秋諺云八月十五雲遮月來年元宵燈晃雪

田家日月十月朔占春糴風從東來者賤逆此者貴

邠州志一九雪九九皆有雪

乾州志正月元旦宜晴不宜陰故舊詩有云元日至人日未有不陰時言人物俱災也是日逢雪必兆旱人日晴人安八日又屬穀晴年必豐且不宜驟暖二月驚蟄節忽遇風冷必有倒寒人多病麥田不生長故宜溫三月不宜霜致傷諸禾宜雨四月來牟成熟之候

不宜多雨晴則籽粒堅好又父老相傳八日不宜南風
謂南山芭豆開花毒氣傷麥試之有驗有不驗 五月
六月俱宜雨播穀時也亢旱難望有秋故歷來多禱雨
七月八月秋霖亦好粟穀必熟二麥培根必深但雨
過多則傷蓄不實忌不周風此風至天氣必肅恐生霜
雪農家畏之 九月霜可降但不宜早早則穀蓄未至
大熟必致減數 十月可納禾稼萬寶告成宜稍暖故
號小春是月純陰而復溫此天地之妙理黃葉蔴盡來
年之蒂芽復萌不但花木二麥分枝必多屢試屢驗
十一月乾屬土皆亢厚宜大凍二麥斂藏必固宜雪之
候也缺雪必致來年之蟲不宜多晴或暖 十二月亦
宜雪不宜晴暖寒不洩盡來春人多病

關內周諮錄甲申諺云四時不取甲申雨 旬諺云壬
子癸丑甲寅晴五旬之中宵見星戊子至甲子七日行
泥滓 雲諺云雲之西馬沾泥雲之南雨潭潭雲之東
竚立空雲之北好晒麥 雲謠云橫雲不雨縱雲雨願
爲東風吹送汝 星諺云星瞬目雨浸屋 畢星諺云
大瓶注小瓶溢爲雲水聲其下如建瓴

方言

輔軒瑣記永俗謂小曰碎謂驚曰唬謂快曰了謂痛曰
慄刺謂猶曰猾謂破曰褻謂麪曰麩謂冢曰墳 又云
釜謂之鍋桌謂之案杯謂之鍾甌甌謂之盆簸箕謂之

籬繡謂之絞刈鉤謂之鎌 又云酒肆曰坊酒罈曰甕
水滾曰尖取物曰刁 又云眼黑者憎惡也圪喇者言
不順理也囊囊笑者背地短人也這搭此處也兀搭
彼處也吃扎填謂唱燈影優人早飯前食餅也生活筆
也頗煩厭棄不耐也虎淡其人大不才也廉耻幾句者
呵叱子弟也強者美也瞎者醜也乒兵者快也胡基者
土坏也矢巴牛者蟋蟀也打插者厮打也言傳者說話
也不接撐者羞見人也 又云土人稱父爲達亦稱爲
伯稱叔爲小達呼從母爲姨呼嬾母亦曰姨丈母亦曰
姨呼從母之夫曰姨父岳丈亦曰姨父呼妻曰屋裡的
亦曰婆娘稱祖母曰阿婆伯母曰阿姆呼子曰娃小女
曰女娃及笄者曰客人朋友中之長者曰某師 又云
卡食在喉中不上不下也今伏路兵亦謂之卡塢能自
立身也坡音蛙山之污下也坳牛之耕地曰幾坳也圪撈
音格勞山之窩處也圪塔小山相連峰起之名縣南有
去聲 圪塔舖音織暹暹 俗呼瞽之能巫卜者也屢嶮山之過
峽處也 又云讀稻如討讀大如塚讀拿如哈魏姓爲
御惠姓爲戲睢姓爲徐 又云蟬曰致膠螢曰明火蛇
曰長蟲蝨曰蝘蝓

土產類

穀屬

貨屬

蔬屬

果屬

藥屬

木屬

穀屬

詩幽風七月十月穫稻

十月納禾稼黍稷重穆禾麻

菽麥

張志黍 稷 梁 小麥 大麥 蕎麥 豌豆 芝

麻

輶軒瑣記小麥皮薄麩頗佳

貨屬

詩幽風七月無衣無褐陸疏褐毛布

邠州志永壽縣出籠布

漢書地理志漆有鐵官

後漢書郡國志漆有鐵

唐書地理志土貢澡豆及蜜

太平寰宇記土產蜜蠟麻布剪刀火筋

永壽縣新志卷四

十

張志蠟 蜜 椒

輶軒瑣記石炭出拜家河延亘數十里掘深數十丈遇夜輒然燈下取之獨忌見風堅不可鑿

蔬屬

詩幽風七月采芡祁祁 六月食鬱及薹七月烹葵及

菽 八月斷壺九月叔苴采荼薪樗 獻羔祭韭

張志芥 白茄 薑蒿 蒿苣 茗蓬 瓠 茨 薊

莞 薤 蘿蔔 苦苣 蔓菁 薺 白菜

輶軒瑣記青蒜冬日始生葱韭春季方茁白菜經霜味

絕甘美

果屬

詩豳風七月八月剥棗 七月食瓜

乾州志榴有赤白二種土人善藏者春月如新

張志石榴 杏 李

輶軒瑣記瓜果之屬大都從省會及漢興乾邠各府州來惟核桃為本邑所產

按王瓜甜瓜菜瓜東瓜亦本地所產也

藥屬

太平寰宇記土產甘草

張志苦參 荆芥 苜蓿 絕不多見 茵陳 蒼耳 知母

防風 延胡索 益母 菘菴 甘菊 升麻 白

芨 車前子 瞿麥 葳靈仙 菖蓄 遠志 穀精

公永壽縣新志卷四 土

草 紫蘓 前胡 沙參 元參 半夏 王不留行

地黃 黃芩 柴胡 秦艽 杜芎 地丁草 木

瓜 地榆 欬冬 香附 大戟 甘遂 白芷 地

骨皮 甘草 郁李仁 葶藶 桑皮

木屬

詩豳風七月爰求柔桑 蠶月條桑 猗彼女桑 采

茶薪樗陸疏樗惡木

張志栢 槐 椿 柳 白楊 榆 楮 桑 楸

梧桐

按梧桐不經見桃樹則所在有之

輶軒瑣記出城西一里許有栢二株大十圍高五丈堅

固莊有槐二株大亦如之皆數百年物也 又云梁山有栢文多菩薩雲氣人物鳥獸一株直萬錢

花屬

張志 辛夷 杏花 桃花 迎春 山茶 酴醾 連

翹花 珍珠花 紫荊花 棣棠花 凌霄花 鷄冠

花 梨花 柰花 木槿花 石榴花 菊花 萱花

藤花

輶軒瑣記芍藥花學官有之而城隍廟之牡丹尤為極盛周廣半畝高六尺餘蓓蕾以百數然惟玉樓春一種花時適廟中有會遊人雜選往往未及半開而攀折已盡亦憾事也

按天下奇花洛陽牡丹廣陵芍藥為相侔埒錦袍金帶自昔艷稱物以人傳羣芳之所由譜也區區永壽何幸有此然今亦僅存而已

輶軒瑣記陂塘荷花絕少菱芡蓮藕土人皆莫之知

草屬

詩豳風七月八月萑葦 四月秀蓂

輶軒瑣記豳土寒多春深始生庶草然乏蘭蕙之芳

禽屬

詩豳風七月有鳴倉庚 七月鳴鵙

張志 鳩 鴿 鵲 啄木 麻雀 喜鵲 鷹 鷓

鴻雁 胡燕 布穀 鷄 鴨 鵲 野鷄

輶軒瑣記鶴鶉產永壽者號爲山鶴或云健門勝於他處試之殊不盡然又云曩時雉兔頗多近歲民居漸稠捕者日衆獸人司原無乃不給於鮮矣

獸屬

詩豳風七月一之日于貉取彼狐狸言私其豸獻豨

于公穹窒熏鼠曰殺羔羊稱彼兕觥陸疏兕野

牛

張志牛 馬 驢 豬 羊 犬 兔 猫 鼠

輶軒瑣記永邑從無虎患豺狼豹麋鹿狐狸亦間有之

蟲屬

詩豳風七月蠶月條桑 五月鳴蜩 五月斯螽動股

永壽縣新志卷四

三

六月莎鷄振羽七月在野八月在宇九月在戶十月蟋蟀入我牀下疏云自七月以下皆指蟋蟀言將寒有漸非猝來也

張志蠶 蟬 蜂 蟻 胡蝶 蛇虺 蜻蜒 蠅

蝸牛 蚓 螳螂 蠅虎 螢 青蛙 蝦蟇 蟋蟀

蚱蜢 蜥蜴 蛛蜘蛛 蛾 蟋蟀 蟻

輶軒瑣記新縣署在山之巔寒多暑少或盛夏不聞蟬聲高秋不見螢火惟蠍子較他處差少蠍虎亦然絕無

蠓 螻 蚊 蚋

永壽縣新志卷四終

永壽縣新志卷五目

賦役

民數

民田

地丁

均徭

屯衛

解款

支款

外賦

祀典

崇祠

羣祭

壇壝

永壽縣新志卷五

知縣蔣基重修

賦役類

民數

支款

民田

地丁

均徭

屯衛

民數

縣冊男大小口二萬三千六百三十 女大小口一萬七千二百九十

民田

賦役全書原額一等地六百一十五頃三十畝六分六釐每畝科糧三升共糧一千八百四十五石九斗一升九合八勺共銀二千三百五十七兩八錢六分九釐四絲三忽二微五纖一塵八渺 原額二等地七百一十

永壽縣新志卷五

一頃九十五畝九分一釐二毫每畝科糧二升五合共糧一千七百七十九石八斗九升七合八勺共銀二千二百七十三兩五錢三分六釐四毫三絲五忽七微四纖九塵八渺 原額三等地一千四百二十九頃七十五畝五分四釐二毫每畝科糧二升共糧二千八百五十九石五斗一升八勺四抄共銀三千六百五十二兩五錢七分四毫三絲五忽八微七纖六塵四渺 原額四等地一千八百九十八頃二十四畝三分四釐二毫每畝科糧一升五合共糧二千八百四十七石三斗六升五合一勺三抄共銀三千六百三十七兩五分六釐二毫二絲二忽五微一纖九塵 原額五等地二千四

百一十三頃三十五畝二釐五毫七絲每畝科糧九合二勺共糧二千二百二十石二斗八升二合二勺三抄六撮四圭四粟共銀二千八百三十六兩五分四釐六毫三絲八忽五微九纖三塵二渺 以上原額五等共地七千六十八頃六十一畝四分八釐一毫七絲每畝起科不等共額徵糧一萬一千五百五十二石九斗七升五合八勺六撮四圭四粟每石折徵銀一兩二錢七分七釐三毫四絲八忽五纖五塵共額徵銀一萬四千七百五十七兩一錢七分一釐一毫七絲五忽八微一纖八塵二渺內除 荒地三千九百二十七頃八十五畝八分二釐應免糧六千七百一十二石四升九合一勺九抄該除銀八千五百七十三兩六錢二分二釐九毫七絲七忽九微一纖八渺內節年開墾並清丈及雍正六年自首共地五百八十二頃八十六畝七分五釐應科糧八百五石八斗五升二合四勺四撮該徵銀一千二十九兩三錢五分六釐三毫九纖二塵九渺七漠三沙二洑 又於乾隆元年報墾五等地四百五十七頃二十二畝二釐一毫十年起科糧四百二十石六斗四升二合五勺九抄三撮二圭該徵銀五百三十七兩三錢六釐九毫九絲八忽二微七纖四塵一渺四漠一沙一洑八涯 又於乾隆十一年報墾五等地一頃六十一畝六分七釐二毫七絲九忽二十年起科糧一石

四斗八升七合三勺八抄九撮六圭六粟八粒該徵銀
一兩八錢九分九釐九毫一絲四忽二微九纖九塵四
渺四漠六沙八洙九涯實熟地四千一百八十二頃四
十六畝一分五毫四絲九忽該徵糧六千六十八石九
斗一升八勺三撮三圭八粒該徵銀七千七百五十二
兩一錢一分一釐四毫一絲五微七纖三塵九渺六漠
一沙二洙七涯 又自首額外五等地一頃四十八畝
應科糧一石三斗六升一合六勺該徵銀一兩七錢三
分九釐二毫五絲三忽六微八纖五塵三渺二漠 以
上共實熟地四千一百八十三頃九十四畝一分五毫
四絲九忽該科糧六千七十石二斗七升二合四勺三
撮三圭八粒該徵銀七千七百五十三兩八錢五分六
毫六絲四忽二微五纖九塵二渺八漠一沙二洙七涯
按禹貢雍州厥田惟上上蓋第一等也永壽本古雍
州之域而今地分五等堯堉崎嶇一易再易豈地利
之已盡歟抑人力之莫殫歟催科拙而撫字勞令斯
邑者能無慙然愧哉

地丁

賦役全書原額人丁三門九則不等共折下下丁九千
九百四十八丁 優免丁三百八十九丁 行差丁九
千五百五十九丁順治七年免過逃亡丁三千三百二
十七丁 招回丁一百五丁 新招回丁七百五丁

以上實在行差丁七千四十二丁每丁徵銀一錢九分一釐於雍正五年攤入地糧徵解 自康熙五十五年
起至乾隆二十六年止編審出下丁九十四丁乾隆三
十一年編審出下丁八丁乾隆三十六年編審出下丁
一十丁共編審出下丁一百一十二丁欽遵康熙五十
年定爲常額永不加賦

均徭

〔賦役全書〕原額均徭銀一千五十六兩七錢五分九釐
八毫九絲九忽七微內除 荒銀五百一兩二錢四分
四釐五毫九絲八忽一微五纖八塵六渺七漠二沙三
洙八涯 實徵銀五百五十五兩五錢一分五釐三毫
一忽五微四纖一塵三渺二漠七沙六洙二涯 額外
自首均徭銀一錢二分四釐六毫一絲二忽六微四纖
七塵八渺 以上實徵均徭銀五百五十五兩六錢三
分九釐九毫一絲四忽一微八纖九塵一渺二漠七沙
六洙二涯 額外均攤匠價並盤纏銀一十六兩八錢
三分 停免銀三十兩三錢六分九釐

屯衛

〔賦役全書〕原額官下軍下旱減共地八十八頃四畝九
分五釐每畝起科不等共額徵本折糧五百四十四石
六斗二升二合內本色糧二百七十五石二斗六升三
合折色糧二百六十九石三斗五升九合折布銀五十

六兩五錢六分五釐三毫九絲共丁條馬草銀四十兩
一錢一分二釐二絲五忽內免過原續杆荒地五十六
頃五十四畝四分又雍正十一年開墾地六頃二
十九畝三分七釐又改歸西安府屬咸寧興平二縣地
八十九畝又接收西安府乾州屬屯地二十四頃七十
一畝五分共實地六十一頃六十二畝四分二釐 官
下旱減地五頃七十五畝七分五釐軍下旱減地五十
五頃八十六畝六分七釐 以上共徵本色糧一百四
十四石五斗二升一合八勺每糧一石折徵銀一兩共
徵銀一百四十四兩五錢二分二釐折色糧二百三十
六石七斗三升八合四勺折布銀四十九兩七錢一分
五釐六絲四忽丁條馬草銀二十八兩七分六釐三毫
四絲 原額屯丁三門九則不等共折下丁二十丁
康熙元年起至五十年止編審新增共實在丁二十二
丁每丁徵銀七分二釐共徵銀一兩五錢八分四釐
原額長解銀二錢 又以糧均丁銀二兩八錢一分三
釐一毫零並改隸減去銀一錢六分一釐二毫零 又
接收各屬均丁銀四兩四錢三分五釐二毫零 以上
額內額外地每年應徵銀八十六兩六錢六分二釐五
毫零

解款

賦役全書原額民地丁共銀九千五百六十三兩九錢

一分四釐內應解起運銀四千七百四十兩五錢八分
六釐 應解藥味脚價銀二錢八釐 存留銀四千八
百二十三兩一錢二分內 應解站支新墾銀二百六
十六兩四錢二分一釐 應解縣馬新墾銀二十四兩
四錢三分五釐 應解新增正印各役佐雜孤貧等項
銀一十八兩七錢七分六釐 應解邊塘銀一百六十
七兩

支欸

〔賦役全書〕知縣一員歲支俸薪銀二十五兩一錢二分
門子二名歲支工食銀一十二兩 皂隸一十四名
歲支工食銀八十四兩 仵作二名歲支工食銀一十

二兩 馬快八名歲支工食銀一百三十四兩四錢

民壯三十七名歲支工食銀二百二十二兩 禁卒八
名歲支工食銀六十四兩 轎傘扇夫七名歲支工食
銀四十二兩 庫子四名歲支工食銀二十四兩 斗
級四名歲支工食銀二十四兩

典史一員歲支俸薪銀三十一兩五錢二分 門子一
名歲支工食銀六兩 皂隸四名歲支工食銀二十四
兩 馬夫一名歲支工食銀六兩

訓導一員歲支俸薪銀四十兩 齋夫三名歲支工食
銀三十六兩 門斗二名歲支工食銀一十四兩四錢
廩生二十名歲支月糧銀六十四兩 膳夫二名歲

支工食銀一十三兩三錢三分三釐

春秋祭祀歲支銀五十三兩五錢九分五釐 鄉飲歲

支銀一兩八錢五分九釐 鐘鼓夫三名歲支工食銀

八兩 舖兵二十九名歲支工食銀一百七十四兩

永安驛驛馬四十四匹歲支草料並修理支值銀一千

二百五十七兩 縣馬五匹歲支草料並修理銀一百

一十三兩 馬夫一十九名歲支工食銀二百五兩二

錢 蒿店所所夫七十三名歲支工食銀七百八十八

兩四錢 底窖所所夫七十三名歲支工食銀七百八

十八兩四錢 孤貧二十名歲支口糧銀七十二兩又

支布花銀六兩二錢六分一釐

按以上流支各款乾隆五十二年奉文與起運款須
一例解司正支正領

外賦

〔縣冊〕課程銀五兩四錢七分 地稅向無定額照司頒

契紙儘收儘解 牙稅每歲額解銀一十九兩二錢

畜稅向無定額儘收儘解 鹽課每年三名七十二引

四季運銷每引一額鹽二百四十斤以二十八斤爲一

斗舊價每升價銀三分五釐乾隆四十七年奉文每升

暫增價六釐每斗價銀四錢一分招商辦運 當稅每

店歲額稅銀五兩

祀典類

崇祠

羣祭

壇壝

崇祠

文廟

陝西通志舊在縣署西北元延祐七年建致和元年縣尉朱思義重修治中單鵠有記明洪武三年重修天順元年知縣郭質重修河東薛瑄有記

本朝康熙八年知縣張焜創建於新縣治東

縣冊乾隆三十九年邑紳士捐貲重修是年四月十五

日興工四十一年正月工竣正殿五楹兩廡各三間泮

池在大門內

今學宮在縣署正北迤東殆即邑紳士捐貲重修者當非前令張君焜創建舊址矣

按明初釋奠祝文猶稱先師為文宣王或稱宣聖

以唐宋金元國學俱立文宣王廟故也

大清會典暨各省府州縣志書咸舉上一字稱為文廟

蓋昉於宋元志乘

宋羅可受汴梁雜事文廟在汴水南面城背河武廟即昔時武學

舊址元周密癸辛雜志天津橋奇石一片有自然華夷圖後取為文廟拜石今從之

崇聖宮

學冊在正殿後

關帝廟

張志在南堡門內

按此即春秋享祀處也其在常寧鎮及永康里者入

古蹟類中

又按俗稱關帝廟曰武廟余向者求其說而不得比

閱春明夢餘錄洪武二十年罷武廟獨尊孔子乃

知武廟者古武成王廟也考諸史太公建廟始於唐元宗開元十九年至肅宗上元元年追封太公爲武成王祭典與文宣比德宗建中二年顏真卿請如月令釋奠其始以張良配置古名將十人爲十哲宋神宗熙寧中建武學於武成王廟徽宗政和中又加七十二弟子以擬七十二賢遂與國學無異是時厥後文武並宗歷金迄元未之或改逮至明太祖朝始詔太公宜從祀帝王廟其武成王廟罷之由是數百年非禮之祀一旦而黜則已無所謂武廟矣今人乃移其稱於關帝廟殆失於未經深考故也 宸垣識略云漢壽亭侯廟在地安門西明洪武年建

本朝順治九年加封神爲忠義神武關聖大帝雍正三年追封神曾祖祖父三代公爵崇祀後殿乾隆四十六年加封忠義神武靈祐關聖大帝改諡忠義按忠義號至是定殿門皆易黃瓦每春秋二仲及五月十三爲諡法日遣官致祭云云雖尊崇之典無以復加然實未嘗稱武廟以配文廟也故此志仍稱關帝廟而列於崇祠之次上遵

國制下逆俗說誰曰不然

羣祭

名宦祠

學冊在學宮戟門內

祀呂大防邢珣伏伯安郭質李綱孟邦直張朝綱葉映榴八人

鄉賢祠

學冊在學宮戟門內

祀安金藏來瑱白用劉聚
騫璿楊邦梁任棟七人

節烈祠

縣冊舊在南門外

城隍廟

張志在新縣治北

火神廟

縣冊在縣城內東北乾隆五十六年知縣蔣基新建

按火神廟文昌閣同時並建文昌閣入古蹟火神廟

入祀典一則因所嘗有一則創所本無更爽塏而妥

神靈踵舊增新各從厥類至於經始落成或原或委

永壽縣新志卷五

十

其說具詳藝文類記中

土地祠

縣冊在縣署大門內西向塌頽日久乾隆五十三年九

月知縣蔣基重葺

馬神廟

縣冊舊在南堡山頭乾隆四十三年知縣葉廷選拓構

壇壝

風雲雷雨壇

張志在縣東

社稷山川壇

張志社稷壇在縣西山川壇在縣東

先農壇

〔縣冊〕在南門外乾隆五十八年知縣蔣基重修

厲壇

〔張志〕在縣東

按五禮通考云風雲雷雨天神也社稷山川地祇也
先農及厲人鬼也故錄其先後之序如此

永壽縣新志卷六目

職官

知縣

典史

教諭

訓導

把總

縣丞

主簿

封爵

選舉

進士

舉人

貢生

武舉

諸科

賜封

永壽縣新志卷六

知縣蔣基重修

職官類

知縣主簿

典史封爵

教諭

訓導

把總

縣丞

知縣

唐

唐書宰相世系表王暉中山人元宗朝宰相暉之弟為

永壽令

按唐宋時令長有赤畿緊望上中下之異若京朝幕官則稱知縣事明始直稱知縣又古之縣尉隋曰縣正亦曰書佐唐宋以初第人充明始改稱典史多吏員出身

永壽縣新志卷六

本朝因之茲故以知縣典史標目不復稱令尉云

唐碑韓儵敬宗寶歷中永壽令曾禱雨建信侯祠有應

按此碑久亡茲採元時無名氏劉侯廟碑所述

宋

宋史呂大防傳大防字微仲京兆藍田人進士及第調

永壽令縣無井遠汲於澗大防行近境得二泉欲導而入縣地勢高下衆疑無成理大防用考工水地置泉之法以準之不旬日果疏為渠民賴之號曰呂公泉仕至尚書左僕射兼門下侍郎封汲郡公紹聖四年卒紹興初贈太師宣國公諡正愍

學冊八名宦祠

明

舊志伏伯安夏邑人

陝西通志作歸德人

洪武中任裨躬無染撫

民有道歷官至兵部侍郎入名宦祠 龍儀萬載人才

守兼優大有治行 胡紳潛江人學政兼美 郭質高

平人舉人建修城池廟學公署節省里甲正直廉明陞

商州知州去之日百姓泣留者載道入名宦祠 白祥

館陶人舉人仁慈有聲 張俊祥符人舉人 呂鎮棗

強人舉人 劉鏗鄭州人舉人 孫瑤榆次人舉人

劉相邳縣人舉人 越孝合州人舉人 李綱定襄人

重修學廟百廢俱興愛民如子陞青州府判入名宦祠

牛輔高平人舉人 孟邦直祥符人舉人修舉廢墜

履操清謹入名宦祠 鄧簡滄州人監生 余朝陽崇

《永壽縣新志卷六》

二

寧人舉人 鄧百祿崇寧人監生振作有爲 王洵壽

州人舉人 羅錦順天府人監生 何球六安人監生

董鉞鉅野人監生 呂庭寶祁縣人監生 梁柱劍

州人監生 王璋完縣人舉人 王貫吳橋人監生

吳鶴招化人監生 屈際昌棗強人蔭生 呂霞鄧州

人監生 張瑀龍門衛人監生 張大芳陽曲人舉人

王純義元氏人監生 崔柄石州人舉人 杜可教

德陽人舉人 黃自任黃岡人舉人 張朝綱元城人

舉人造祭器撫流移著有遊山記 郭田山海衛人監

生 張橋獲鹿人舉人 韓子義沁水人監生捐俸創

建譙樓 馬應壯山東人監生 張尙素清豐人監生

楊騰芳遼東人舉人 常守忠猗氏人舉人 張問
行歸德人舉人除奸豪修倉廩 侯命解州人舉人建
玉皇閣 鄭敦原長治人舉人 離克儉北直人舉人
崔大智藁城人舉人 鄭上春考城人選貢 張自
省曲沃人舉人 朱制全豐潤人貢士 竇義方大城
人選貢 侯加乘解州人舉人 慈惠實施百姓才猷茂
著一時 邢汴蒲州人舉人 李陽春富順人選貢捐
俸遷學加意作人 張智蓋州人貢士 成材清源人
貢士 王寅之虹縣人貢士 游繡通山人貢士 徐
州守金堂人拔貢廉明正直洩任淺而嘉政多 魏廷
望武鄉人貢士 莊天麟武進人拔貢 張教汾州人

貢士

明史王國訓傳崇禎八年八月賊陷永壽知縣薄匡字
張志遇害其時長史以死聞者隴州知州胡爾純延長
失載知縣萬代芳咸陽知縣趙躋昌

本朝

陝西通志名宦傳傅性良登封人貢士順治初知永壽
縣賊賀珍圍城性良堅守獲全總督孟喬芳上其功陞
蘇州府同知

張志賈宗孔遼東人 李如瑾黃岡人舉人在任九年
卓有才力捐俸修築寨下南關居民賴之以丁憂去補
廣寧知縣陞陸涼知州至今永民猶思慕之 董照乘

洛陽人貢士

陝西通志名宦傳張焜字大啓號西屏南昌人舉人授永壽縣知縣縣七被寇躡城舍烟蕪焜至僦居麻亭寨築城結茅民始寧字邑故無井澗飲病渴焜披榛步尋得泉山嶺疏導入城父老相傳此宋呂大防惠民泉澗廢數百年一旦復之是歲田穀多雙穗至有六穗八穗者逆桂反莫洛經略漢中檄焜參贊軍務以勞瘁成疾卒

按職官自康熙八年以後乾隆二十三年以前縣冊

頗殘缺比檢學冊有葉公映榴祀名宦

上海人進士官至湖廣參

議道死夏包子難贈工部侍郎諡忠節

而任永何官在何時失載蓋

文獻無徵古今同慨以此知前言往事諸卷中良多挂漏不獨職官一類為疎也聊稽近冊略記左方

縣冊莊學申江蘓人丁巳進士 王拱宸直隸人貢生

瑪星阿正黃旗人丁卯舉人 梁大燾福建人丙子

舉人 孫景燧浙江人辛巳進士

後調繁咸陽縣

謝恩臨福

建人丁卯舉人 葉廷選四川人丁卯舉人 張璧湖

北人庚午舉人 許光基浙江人甲午舉人 孔廣什

河南人壬辰進士 蔣基江蘓人乙未進士

典史

唐

唐書徐彥伯傳彥伯兗州瑕丘人名洪以字顯七歲能

爲文結廬太行山下薛元超安撫河北表其賢對策高第調永壽尉歷官至太子賓客

〔冊府元龜〕徐彥伯與李嶠張說等二十六人分門撰集三教珠英文辭皆天下選而彥伯李嶠居首又與韋暹李巨稱河東三絕以暹善判巨工書彥伯屬詞故也

元

〔邠州志〕高安仁永壽縣典史

明

〔舊志〕趙惟忠西充人吏員此下出 身並同何思孝黃岡人

高應吉曲沃人 張文顯南海人 孫翰登棲霞人

谷濟民上元人 湯民瞻清河人 黃嘉賓平谷人

〔永壽縣新志卷六〕

五

王國策平原人 何如瑚永定人 汪宗悅清河人

王蓋臣永寧人 徐夢瑞范縣人 武永洪汾陽人

按明天順初文廟舊碑載有典史宋準饒陽人附著於此

本朝

〔張志〕楊性乾宛平人秉心極恬淡贊政多惠愛 汪澤

孝感人 傅斌豐城人原係儒者改途小試清操不苟

贊政多才至於督建文廟監造城池良有功於地方

〔縣冊〕王夢熊浙江人 高莫同河南人 桂馥直隸人

吳士麟順天府人

教諭

明

〔舊志〕薛澄壽州人 尹信陳留人舉人 葉琮北京人

舉人 韓鏗潁州人 韓宜壽州人 張漢榮河人

郭時康孟縣人 張珮介休人 任中謨四川人 閻

人寧榆次人 崔朝佐長治人 張自康慶符人 孟

汝荏蒲州人 韓桐蒲臺人 鄆仲儀溫州人 賈思

謙彭漢人 崔良貴安平人舉人 李瑄新城人 馬

有慶宜賓人舉人 馮邦靖興安州人 齊子信四川

人舉人 郭澳靈州衛人 馬維駟興安州人 晏鹿

鳴內江人舉人 劉應爵靈州所人 閻子民肥城人

楊天瑞永昌衛人 崔思恭平陸人 何應春河南

永壽縣新志卷六

六

人 王大擢鄜州人 丁方翰鄜州人 秋應爵隴州

人 劉思敬洋縣人

本朝

〔張志〕張調鼎延長人 宋芳春華亭人 甯修成遼海

人 蕭始泰環縣人 趙文燧平涼人 任名世臨洮

人歲貢學行俱優不愧師範

訓導

明

〔舊志〕安廣臨汾人 馬承緒陝州人 李長鯨洛陽人

儀可畏絳州人 白文紳納溪人 薛良梓芮城人

趙體坤武鄉人 張忠禮縣人 孫朝輔麟遊人

田萬井東明人 吉靜寧州人 宋政膚施人 李居鳳翔府人 李廷揚隴西人 田良爵洛川人 李洪南鄭人 陳朝相臨洮衛人 陳謚平陽衛人

按張志云訓導於明天啓年間除革陝西資政錄云本朝康熙中始裁教諭復設訓導然舊籍已亡無從考覈姑就見聞所及者錄之

縣冊楊大倫甘肅人歲貢 侯代工漢中府人歲貢 強致延安府人歲貢 祁在琢西寧人歲貢 袁承裔西安府人歲貢 張維翰綏德州人歲貢 陸維垣綏德州人歲貢 張培臨潼人辛卯舉人 張述浚咸寧人丁酉舉人

把總

按把總卽舊志所謂駐防廳屬慶陽協張志畧而弗載殆未識

本朝建官文武並重之意也茲就乾隆年間諸弁名氏未湮者編次如左

中樞備覽王寵錫固原州人 李國棟西安府人 劄進成固原州人 高思恭長武人 白秀安化人 林進保固原州人 邱國棟皋蘭人 楊士雲西安府人 王臣西安府人 呂興周邠州人 楊進彪固原州人 木廷梁鳳翔府人 任大凱安化人 王春固原州人

縣丞

唐

〔全唐詩〕岑參有送永壽王贊府

軼其名

歸縣詩

詩載藝文類

按張志縣丞係明天啓年間裁革主簿則自元以後無聞故錄於把總之後

明

〔舊志〕張驥蒲州人監生

周九齡登州衛人

蕭時龍

保寧所人監生

程策塾江人吏員

祝應麟

籍貫無考

王天粹涇縣人

朱光憲慈谿人吏員

馬尙聰薊州

人吏員

卞一誠餘姚人吏員

楊田寧海人吏員

李之用崑山人監生

趙煜壽光人監生

王衙涇縣

〔永壽縣新志卷六〕

八

人監生

王遷雒江寧人監生

曹守業青縣人監生

主簿

宋

〔宋史薛向傳〕向字師正以祖延任太廟齋郎爲永壽主

簿幹局絕人尤善理財算無遺策累官至工部侍郎同

知樞密院出知穎隨二州卒諡正敏

舊志失載

金

〔舊志〕邢珣泰和元年由進士主邑簿通泉利民入名宦

祠

封爵

漢

後漢書耿弇傳弇扶風茂陵人佐光武中興建武二年封好時候食好時美陽二縣永平元年卒諡愍侯子忠嗣忠卒子馮嗣馮卒子良嗣良卒子協嗣漢末國除水經注漢水東有好時故城耿弇侯國

後魏

魏書江悅之傳孫天與扶風人以助封漢西縣開國男食邑二百戶地形志云漢西縣屬武功郡太和十一年分好時置

唐

唐書沙陀列傳沙陀輔國累爵永壽郡王

明

明史諸王世表永壽懷簡王尙炆安惠王志埴康安王公鋌莊僖王誠淋恭和王秉稅懷順王惟燿榮靖王懷塏自榮靖以後三世敬鏞誼况存桑皆襲王封而無諡按周班爵祿與設官分職之制本通其後自漢及明或以翊運分茅或以親藩食采報功崇德施及子孫甚盛典也故備志於職官之後若夫公劉遷幽傳國世次並見邠州志中茲不具錄

選舉類

進士

舉人

貢生

武舉

諸科

賚封

進士

明

舊志米顯永樂壬辰科授庶吉士 王麟乙未科授翰

林院檢討 劉聚成化辛丑科授知縣 楊儀宏治癸丑科歷官至參政

舉人

明

舊志李春洪武己卯科官經歷 劉譽永樂乙酉科官

經歷 吳衡辛丑科官同知 李矩甲午科官知縣

索睿官經歷 趙麟未仕 郭勤未仕 以上三人失科舉年分

馬騰丁酉科官吏目 騫宏庚子科官同知 岳泰景

泰丙子科官御史 騫璿官同知 失科舉年分 狙瓚成化

癸卯科官訓導 張弓嘉靖戊子科未仕

本朝

張志任者壽康熙己酉科 羅萬傑己酉科

縣冊王緯康熙壬子科官江西廣信府上饒縣知縣

張德聚乾隆癸卯科 侯建官戊申科 張德孚戊申

科

貢生

明

舊志撒榮官府知事 劉浩官縣丞 王璽官州判

劉傑官知府 盧涇官經歷 門芳官知縣 楊和官

訓導 米顯 蒙泰 姜真 以上三人俱未仕 范琦官知縣

鄭時官主簿 田耘官吏目 王綱官縣丞 李魁

官巡檢 劉宣官知縣 撒梅官大使 鍾庸官大使

岳岩 王懋 岳凱 趙琮 潘俊 張俊 魏春

米克 實宣 張旺 員秀 劉琰 騫璣 王端

趙純 張敏以上十六人俱未仕 田盛官檢校 宋隆官吏

目 周鼎官州判 門良官縣丞 范蓋官縣丞 邱

旭官主簿 李謙官經歷 邵誥官經歷 張臣 張

松 吳紳 宋儒以上四人俱未仕 樊臣官苑馬寺主簿

王何官教諭 王相官通判 撒傑官主簿 鍾凱

張端 張錦以上三人俱未仕 王興王相之子宫經歷 王

世安未仕 孫仁官主簿 李增官教諭 李節官府

知事 梁聰官主簿 李壽官主簿 吳儒官教諭

夏待官教授 趙世英官教諭 樊威 員宗周以上二人

永壽縣新志卷六

士

俱未仕 樊瑤官主簿 樊士昂官縣丞 樊士瓊官教

諭 王可未仕 王守元官訓導 樊希閔官知縣

田廷瓚官訓導 邵邦憲官主簿 趙鑾官縣丞 王

守享官訓導 張思敬官教諭 俎簠官教諭 樊璞

未仕 蔣廷璧官教諭 樊秬官知縣 李如縞官教

諭 樊枝官訓導 梁希顏官縣丞 任世鰲官學正

樊士禎官教諭 樊濟官訓導 樊世臣未仕 樊

旦官縣丞 李克明官主簿 俎守節官通判 陳朝

忠官州同 王制官學正 姚仁官訓導 樊秘官教

諭 樊量官教諭 宋家宦官通判 李發春官教諭

張其蘊官訓導 任貞官學正 李冠官教諭 任

忠官學正 樊煥官教諭 趙士達官衛教授 羅繡

龍官縣丞 李一貫官府訓導 甕大器官訓導 俎

鼎官府訓導 李茂官訓導 胡嘉猷 談撫庶 張

奇猷 以上三人 俱未仕 任棟官海防道 樊懋修官教諭

竇若儼官教諭 師維新官訓導 劉欽官訓導 白

如璧官教諭 樊煥官教諭 王宏謨官訓導 張所

學官學正 王良化 長孫階 王之屏 安敬 師

誤 張應泰 張惟一 以上七人 俱未仕 董祚允官經歷

張諤官訓導 楊之度未仕 楊威官州判 樊泰官

典寶 趙壘官主簿 騫謹官府知事 周良知官監

事 張良佐 楊邦棟 以上二人 俱未仕 張克仁官主簿

永壽縣新志卷之八 十一

楊邦梁官檢校 俎衍澤王府祀所官

本朝

張志 王佐未仕 李良棟官州判 邵周鼎官州判

羅瑞官經歷 實恂官學正 安運隆官訓導 俎衍

溱官訓導 趙運熙 談吐琦 王定衡 王業炳

張偉烈 以上五人 俱未仕

縣冊 宋海 都克涵 張星煥 王雲集 師懋脩 以上

五人俱 王良弼未仕 張歧嶧 郟縣訓導 張玉梁

未仕 以上三人 俱未仕 李鳳翔 王身淑 解明周 張琬

王自修 劉金魁 宋經世 陳新 侯良士 張

星聯 祁彩鳳 李芬 梁三綱 王廷璧 楊清彥

來秩 師景陶以上十七人俱未仕 都嗣徽岐山教諭 樊

學聖西和訓導 趙龍文莊浪訓導 王作聖岐山訓

導 趙廷掄漳縣訓導 荔濬淳化訓導以上二十三

宋之楠原任扶風咸陽教諭係丁卯科副榜

武舉

按武舉始於唐初至開元中郭子儀以武舉異等授右衛長史宋制有武舉武選神宗朝始試義策於秘閣武藝則試於殿前司崇寧八年詔武舉與文舉同時鎖試於貢院明沿宋制小有變更至崇禎四年莊烈帝銳意重武詔武舉能運百斤大刀者方與中式欽定一甲三人以京師舉人王來聘居首武榜之有

永壽縣新志卷六

三

狀元自來聘始也舊志於武弁武舉皆失載故明時武舉無考茲就

本朝乾隆年間中式六人依次錄之

縣冊王士雅失科舉 任琬丁卯科 王道洽壬申科

王琚庚辰科 張元聲壬午科 任之超己亥科

諸科

漢

舊志樊沂以茂才舉荆襄御史

元

舊志米俊德陝西省左右司員外郎

明

舊志呂克明以孝行舉兩淮運使 岳文秀以賢良方正舉惠州府同知 劉榮以人才舉宛平縣丞贈主事 按兩漢以後選舉之目寢多

本朝兼用古法有博學鴻詞賢良方正諸科然究係

曠典非常設也是以永壽士人自貢舉而外未聞以他途進者舊志列諸科於進士之前輕重頗為倒置然且荆襄御史初非漢官而米俊德出身之由復失記注其譌畧亦云甚矣惟是年湮世遠疑信相參未可概從刪削聊復存而論之

賜封

明

舊志劉榮以子傑贈刑部主事 楊振以子儀贈監察

御史 王琴以子相贈兵馬副指揮 任朝紳以子棟

贈同知

本朝

縣冊宋海以子之楠贈修職郎

按志選舉至諸科其類盡矣志賜封於選舉之末禮崇報本義準上賢為人子孫可弗競思發名成業以是揚

休命而誦先芬乎

永壽縣新志卷六終



永豐縣志

第三冊

卷七

人物

卷八

藝文

永壽縣新志卷七目

人物

名臣

循吏

儒林

文苑

忠節

孝義

獨行

寓賢

方技

仙釋

列女

永壽縣新志卷七目



永壽縣新志卷七

知縣蔣基重修

人物類

名臣 獨行

循吏 寓賢

儒林 方技

文苑 仙釋

忠節 列女

孝義

名臣

隋

〔隋書杜彥傳〕彥雲中人徙家於南幽性勇果善技射仕周爲左侍上士擊破陳將吳明徹又擊叛蠻進平郢州賊帥樊志以功拜大都督賜爵永安縣伯從帝孝寬擊尉遲廻於相州每戰有功封襄城縣侯開皇初進爵爲公平陳之役以行軍總管渡江擊南陵城拔之擒其守將許翼進位柱國復從楊素討破江南羣盜拜洪州總管甚有治名歲餘徵拜雲州總管突厥來寇彥輒禽斬之北夷畏憚不敢至塞未幾以疾徵還卒

永壽縣新志卷七

唐

〔唐書來瑱傳〕瑱邠州永壽人父曜奮行間開元末持節磧西副大使四鎮節度使著名西邊終右領軍瑱略知書尚名節崖然大有志天寶初從四鎮任劇職累遷殿中侍御史伊西北庭行軍司馬詔舉智謀果決才堪統衆者拾遺張鎬薦瑱能斷大事有禦侮才擢潁川太守充招討使會母喪免以孝聞安祿山反張瑄薦之守潁川賊來攻瑱前後俘殺甚衆賊懼目爲來嚼鐵以功就加防禦使河南淮南游奕逐要招討使徙山南東道節

度使代魯炅會嗣號王巨表炅方固守乃還瑱故官賊圍南陽急人情恟懼瑱能撫訓士卒舉動安重賊不得侵改淮南西道節度使兩京平封穎國公食二百戶乾元二年徙河南未行王師敗於相州詔拜陝虢節度兼潼關防禦團練鎮守使明年徙山南東道襄鄧均房金商隨郢復十州節度使上元二年春破史思明餘黨於魯山俘賊渠又戰汝州獲馬牛橐駝凡兩戰斬首萬級改山南東道襄鄧唐復隨郢六州節度代宗立復使鎮襄州入朝拜兵部尚書同平章事充山陵使是時程元振居中用事疾瑱乃告與巫祝言不順帝怒遂下詔削其官貶播州卒後帝徐悟元振誣以他罪流溱州廣德

永壽縣新志卷七

二

元年追復瑱官爵

學冊入鄉賢祠

按葉少蘊避暑錄話唐書來瑱傳云始用張鎬薦爲穎川太守以母憂去祿山反再用張垧薦奪喪復爲穎川今考杜周人物志至德初詔朝臣舉所知蕭昕爲起居舍人薦張鎬以褐衣名見拜左拾遺而來瑱爲穎川太守在天寶十四載卽至德元年祿山反後是時鎬方起家何能及瑱而張垧兄弟自京師陷卽叛從祿山未嘗見明皇亦何由復薦瑱史於瑱事不無謬誤也

明

陝西通志楊儀字鴻羽乾州永壽人宏治中登進士第

慕宋王沂公之爲人立志不在溫飽一時咸以公輔期之歷官山東參政揚清激濁所至赫赫有聲

循吏

明

舊志劉聚成化辛丑進士知永寧縣值歲荒聚廉能有善政饑而不害 騫璿由舉人仕至同知歷二十載吏畏民懷謝政里居人服其敬信 劉宣以鴻臚鳴贊擢彭水令清介不渝 王相由貢生任通判老成忠實不事浮華 趙鑾由貢生任縣丞廉介有芳聞 張其蘊親喪廬墓三載後以延安司訓署鄜州事多惠政抵里

囊橐蕭然

學冊劉聚騫璿二人入鄉賢祠

永寧縣新志卷七

三

張志楊威例貢生以營繕才判亳州江津兩地卓有聲稱

儒林

漢

後漢書李育傳育右扶風漆人少習公羊春秋沈思專精博覽書傳知名太學深爲同郡班固所重薦育於東平王蒼由是京師貴戚爭往交之州郡請名育到輒辭病去避地教授門徒數百涉獵古學嘗讀左氏傳謂不得聖人深意作難左氏義四十一事建初元年衛尉馬廖舉育方正爲議郎後拜博士四年詔與諸儒論五經於白虎觀育以公羊義難買達往返皆有理證最爲通

儒再遷尙書令及馬氏廢育坐爲所舉免歸歲餘復徵再遷侍中卒於官

宋

鄆縣志永壽人焦寅湛深經術張橫渠師之

明

舊志俎簠由貢生官教諭恭儉有學術不愧師儒風範王宏謨由歲貢官信陽州訓導操守清介貫穿經傳

本朝

縣册張星聯在永里人爲諸生耻俗學志古儒者恂恂蘊藉負狷性居家門無雜賓所著詩文盈篋焚棄無復存者當事重其爲人徃徃求一識面而不可得時謂段

干泄柳復見於今晚歲以明經舉鄉飲賓未赴而卒

文苑

宋

隆平集史天常邠州永壽人熙寧中仕至朝散大夫爲人端厚沈敏強學多識文詞溫潤詩亦閑遠雅懷溪山趣適號漆上先生有漆泉集十卷行於世

漆泉在縣東北

忠節

明

張志任棟由貢生授萊州府通判歷陞海防道協勦闖賊會濠雨兵潰遂陷重圍大呼曰我監軍也恨不斬賊萬段遇害於朱仙鎮

學册入鄉賢祠

表忠錄保定監軍道任棟力解汴圍因左兵潰陣而死
棟永壽人貢生

按二說稍異存其人不必要覈其事傳疑正以表忠也

張志趙士達由歲貢任莊浪教授素性剛直有長者風
賊破城被執罵賊而死 張應泰貢生賊破堡手刃數
賊賊怒割其脣 張惟一貢生應泰姪罵賊奮不欲生
賊義而釋之 王良化拔貢生賊僭稱帝號強授以官
抗節不仕
按以上所謂賊皆指李自成也明末闖寇流毒蹂躪
關中蔓延及下邑而永以蕞爾山陬不少效忠秉節
之士彼有人焉爲詠疾風勁草句矣

孝義

元

陝西資政錄白用字器之居縣之北市引泉入城內民
利賴之素有出塵之想結廬泉上犢鼻逍遙每見渠水
洩卽爲補葺入鄉賢祠

明

舊志樊志賢留村里人五世同居 陳粟永康里人割
股療母病鄉人稱孝子 宋寧彭村里人隆慶二年饑
同弟宁各輸粟百石民藉以存活者甚衆 楊守奇強
化里人傭工葬父拾得涇陽客遺金二十俟其至付之
令給扁以表其門 樊整留村里人兄遺男周歲撫育

成立析已產給之年百有五鄉人稱爲百歲公咸慕其德福兼備

陝西資政錄楊邦梁乾州永壽人通判威之子由貢生授檢校官內行純備見義敢爲嘗讀宋史劉几傳謂邠地鹵民病遠汲几浚渠引水水果至鑿五池於通達民大便利慨然奮曰淪水利人古賢且有創爲之者况吾邑有呂公白氏舊渠可因其利以利之乎於是鳩工疏鑿凡餼糧器用諸費咸自辦之竟復舊貫入鄉賢祠

張志劉永芳生員親喪廬墓而居撫成親姪出粟救荒本朝

縣冊張琬上彭里貢生鄉飲大賓幼聘廩生梁紹模女

爲室未婚而女得疾一目盲家人慮其不任婦職勸琬辭婚琬慨然曰聘在前盲在後命也我弗娶將誰歸卒娶之後舉四子元佐元愷元傑元仕皆有聲黌序中孫中慮亦能嗣其業曾孫玉梁已酉拔貢時咸謂不棄盲女之一念有以肇之元愷琬次子太學生慷慨好施乾隆十七二十六並三十六年年不順成元愷散貲借粟村中五六十家胥賴以存濟又善解紛息訟里人俱以長厚推之元傑琬第三子武生事繼母以孝聞時募修文廟垂成物力頓絀元傑乃鬻產得數百金悉捐以充用由是克潰於成人服其義

獨行

明

舊志魯邦輔車村里人真醇慷慨令署爲亭長萬歷丙戌丁亥大旱貧不能舉火有饋食者卻不受闔家餓而死

寓賢

漢

史記婁敬傳敬齊人漢五年戍隴西過洛陽高帝在焉敬脫輓輅衣其羊裘因齊人虞將軍見上說上都秦高帝問羣臣羣臣皆山東人爭言周王數百年秦二世卽亡不如都周上疑未能決及留侯言之上卽日車駕西都關中賜敬姓劉氏拜郎中號奉春君後封建信侯

永壽縣新志卷七

七

舊志敬晚年投閒好時有異術種金利人今明月山有種金坪將卒召里人囑曰爲廟祀我我有以福汝矣頃之雲霞飛集而逝

漢書陸賈傳賈楚人以客從高祖定天下使南越令趙佗稱臣奉漢約歸報高帝大悅拜賈爲太中大夫孝惠時呂太后用事欲王諸呂畏大臣及有口者賈自度不能爭迺病免以好時田地善往家焉有五男迺出所使越橐中裝賣千金分其子子二百金令爲生產賈常乘安車駟馬從歌鼓瑟侍者十人詔其子曰與汝約過汝汝給人馬酒食極飲十日而更

唐

全唐詩長孫無忌字機輔河南洛陽人文德皇后之兄好學有籌略佐太宗定天下以功第一封齊國公歷尙書僕射司空戒懼盈滿固辭不許復拜司徒貞觀十七年圖功臣二十四人於凌煙閣無忌爲之冠高宗卽位進冊太尉知門下省後爲許敬宗誣構貶死黔州新舊唐書俱有傳文繁不具錄

舊志長孫無忌河南人太宗面定勲臣圖凌煙閣皆第一爲吏部尚書議定建令寬絞刑五十條貞觀七年以開府儀同三司爲司空固辭曰臣忝預外戚恐天下謂陛下私不許十七年進太子太師帝疾篤謂太子曰無忌盡忠於我我有天下多其力也勿令讒人間之與褚

遂良同受顧命高宗初諫立武昭儀貶黔州投繯卒

按趙公之寓居永壽史傳皆無明文然長孫氏聚族居縣東之永壽坊已歷數十世比有武生長孫步雲自稱紹先二十四代孫曾修祖墓之在堡城北缺上者及詢其世譜則云自紹先以後俱失之今考唐書宰相世系表長孫氏出自拓拔鬱律鬱律生二子長曰沙漠雄次卽道武帝沙漠雄生嵩道武帝以嵩宗室之長改爲長孫氏此長孫得姓之始也孝文帝太和中詔自代北而徙者皆爲河南洛陽人自嵩至無

忌蓋第十三世矣無忌生冲冲生延延生元翼元翼生訓訓生釗釗生守貞守貞生全緒全緒生燧燧生

四子紹先恭先孝先稚先意者長孫氏始遷永壽之祖其卽紹先兄弟歟夫趙公於太宗爲元勳於高宗爲元舅位尊任重何嘗一日離廟堂泊乎遭讒遠貶舛親以上遷謫靡遺又無由得至永壽內地也審矣舊志但因長孫氏裔孫家此遂指趙公爲是邦之寓賢所謂附會之辭初非實錄識者詳之

唐書安金藏傳金藏京兆長安人在太常工籍睿宗爲皇嗣少府監裴匪躬中官范雲仙坐私謁皇嗣皆誅死自是公卿不復見惟工優給使得進俄有誣皇嗣異謀者武后詔來俊臣問狀左右畏慘楚欲引服金藏大呼曰公不信我言請剖心以明皇嗣不反也引佩刀自刺

腹中腸出被地眩而仆武后聞大驚輿致禁中命高醫內腸褫桑土紕之閱夕而蘇后臨視嘆曰吾有子不能自明不如爾之忠也卽詔停獄睿宗乃安景龍時擢右驍衛將軍爵代國公卒配饗睿宗廟廷大歷中贈兵部尙書諡曰忠

學冊入鄉賢祠

舊志今縣南有安金藏墓并安家空鋪

按舊志謂縣境有安家墳壙遂以金藏爲永壽人推爲人物之首張志雖知爲長安人然僅據陝西通志不知有新舊唐書可證也今日爲寓賢庶不沒其實耳

晉

晉書苻堅載記新平人王彫陳說圖讖嘗言於堅曰謹案讖云古月之末亂中州洪水大起健西流惟有雄子定八州此卽三祖陛下之聖諦也又云當有草付臣又土滅東燕破白虜氏在中華在表案圖讖之文陛下當滅燕平六州願徙汧隴諸氏於京師三秦大戶置之於邊地以應圖讖之言堅訪之王猛猛以彫爲左道惑衆勸堅誅之後堅以其言有驗追贈彫官

宋

圖畫見聞志侯封邠州永壽人工畫山水寒林始學許道寧不能踐其老格然而筆墨調潤自成一體亦郭熙之亞

明

輶軒瑣記隆慶初永壽縣淡村有術者云近世乃下元甲子用事正直天市垣所以人多好市井牟利之事按乾志云州人不嫻技術而醫學尤疎蓋合屬邑言之自昔然矣

本朝乾隆初有岐山人趙奇精女科挾術來遊其子必伸善治傷寒活人甚衆遂家於縣南之監軍鎮必伸之子魏能讀祖父書於思邈千金方尤得要旨遠近知名五十三年冬十一月有司獎異之爲顏其堂額曰三世良師

仙釋

元

〔金笥瑣探〕道家謂蟾蜍萬歲背生芝草食之換骨上昇至正中乾州永壽縣南清宣觀有住持殷純者晨起汲水得諸智井旁初不知何物也煮而食之偃卧寂然者旬日儕輩謂其已死棺殮瘞山下月餘忽走入觀問訊如平時頃之失所在衆皆駭惑發棺視之惟衣履存焉

明

〔舊志〕石寶金號碧峰禪師有異行嘗趺坐大樹下溪水橫溢人意禪師已死七日水退視之燕坐如常後遊五臺山元順帝召至燕都慰勞甚至洪武初奉詔至南京

永壽縣新志卷七

七

住天界寺時名問佛法及鬼神情狀奏對稱旨御製詩

以賜之及卒翰林學士宋濂爲撰舍利塔銘

銘載藝文類

〔歸田集〕跋碧峰禪師塔銘金陵梵刹志載碧峰寺記稱

師棄髮存鬚出使西洋諸國授爵固辭按俗所傳西洋記稱碧峰同三寶太監下西洋事蓋委巷小人之語寺記殆承此訛也鄭和等使西洋自永樂七年師示寂久矣記又稱師祈雨靈異爲真人所憎投之水火無損後辭歸西域已時陞辭期午時出潼關是日以上賜袈裟遣守關吏奏上按師生於乾州永壽縣而曰西域胡僧示寂金陵茶毗聚寶山而曰辭上西歸世壽六十有五而曰年逾七十益又謬矣明初大浮屠惟碧峰最著流

傳神異未易更僕寺記所載皆非實錄他可知已

本朝

張志已亥六月有道士過永旅食塗中憩於城隍廟三日取筆留題不書姓名閩人得遺詩以報閱其詩卓有才思令人蹤跡渺不知其所之

詩載藝文類

列女

唐

舊志寶氏二女強化里江寶村人幼有志操永泰中羣盜剽掠二女匿岩穴中盜跡而得之將逼以私行臨深谷姊曰吾寧死不受辱卽投唾死妹繼之亦折足破面盜義之而去京兆第五琦奏其行列詔旌異之伊村有

永壽縣新志卷七

七

廟通志曰奉天人蓋永壽乾之隸也今寶氏族甚著

按唐永泰中永壽縣屬邠州非乾隸也舊志失考

元

舊志田氏三婦上宜里人長適郝年二十一仲適周年十八季適胥年十七夫俱亡守節無玷有司以聞詔旌表其門

明

舊志胡氏生員李棟妻年二十五 李氏縣民趙學妻年二十六夫亡無子俱以節烈終 楊氏生員任廷舉妻年十九 郝氏生員宋宇妻年二十一 劉氏生員楊順妻年二十五 傅氏生員王在程妻年二十六夫

卒撫幼子成立俱以守節終 王氏縣民劉宗樂妻年十九夫亡撫遺腹子成立萬歷二十年終壽七十 許氏生員樊希思妻年二十五善事翁姑妯娌無間言夫亡矢同穴嘔血以死 王氏祖登妻年二十五夫卒遺三歲孤叔翁強氏他適則溺其孤幸有援者得不死孤長成弗祿乃撫育諸孫備嘗艱苦以壽終 魯氏縣民李油然妻年二十五夫卒富室遺妯填門叔伯欲奪其節氏截髮示志以織紵餬口守節三十一年壽五十六 騫氏生員張簡妻年二十八剛介有丈夫風夫卒妾趙氏生一子方周歲氏撫育勤劬不啻已出事孀姑以孝聞後族有謀傾藐若孤者氏百計保護得成立壽七

十五令表其慈節 師氏縣民王養中妻年二十二夫亡撫一歲孤成立翁姑不祿喪葬如儀而又賙其猶子之貧乏者壽六十 騫氏騫九思女幼字趙本初趙故富而騫家漸蕭索趙遺書罷婚九思領之女曰不死奈辱先人何乃澡身整服半臂禪襦以至副膝脚帶一切密紵之強婢導至趙所呼寃自刎死之日尸不殭目不瞑溽暑色澤如生異香馥郁遐邇觀者無不隕涕邑令杜庀木以殮方天開口霽俄而迅雷驟雨一邑震驚杜撰哀詞奠之則開霽如初得襄事邑諸生具呈擬達之當道而趙氏懼獲戾夤緣格之直指使王觀風下邑偶於邑乘內獲其呈蓋令下之吏所嚮署誌中未及檢取

而遽以投院者也儼若有鬼神使之矣直指使愕然於時移檄旌異曰真烈女諸扁題甚備不具錄有爲之傳者曰幽風未泯正氣鍾毓以繼二竇之烈良無愧歟師氏小字嬌姐師第女第與族人師訊構訟訊病死其母誣以毆訟之令第逃匿捕者詣其家偶牽女衣女不勝憤沮自縊而死事在萬歷三十四年里人匿不發逾十載始聞之縣學諸生云 巨氏縣民師誥妻割臂啖夫嚼指矢志 白氏縣民李行保妻與嫂同嫠獨凜栢舟之節撫姪如子竟延李氏之宗 楊氏生員史書妻年二十四夫亡甘守清貧育子鉅典成立得叨青衿以壽終焉 員氏縣民趙應聘妻年二十三無子止一女

本朝

張志近聞之里民有師氏者生員羅珍妻盡孝奉其姑勵節成其子有劉氏者廩生談吐瑋妻孝事孀姑育成孤子有劉氏者邑民張尙餘妻謹事翁姑生養死葬教訓孤子入庠不幸早亡乃撫二孫成立壽已八十此皆以青年矢志栢舟但事定蓋棺姑錄之以備采風者

縣冊盧氏甘肅環縣民趙會妻寄籍縣南之樊家坪氏因李六強姦不從被害捐軀明志節烈堪風乾隆十一

年奉

旨旌表 師氏邑人夏泉妻翁姑早逝夫亡忍死撫育繼子以綿嗣續子甫娶而天家計蕭索與孀媳張氏相依守節復繼族孫承祀日夜操作撫養成人宗緒賴以弗墜守節三十八年乾隆十二年奉

旨旌表 都氏邑人李翔鳳妻夫亡孀姑在堂矢志苦守親隣閔其年少微勸改絃卽哭誓幾絕以夫兄次子協焯繼嗣教育辛勤撫如已出事姑晨昏不懈績紡以供饗殮姑歿之後喪葬盡禮鄉黨稱焉焯年弱冠卽遊庠序守節三十三年乾隆十二年奉

旨旌表 任氏邑人夏芳妻夫死遺孤僅周歲忍死撫育姑已先逝翁因哭子喪明病卧床褥氏賣髮延醫服藥無效翁又不祿氏茹苦自甘織紵餬口守節三十八年乾隆十二年奉

旨旌表 董氏邑人周鏡妻夫亡姑老遺雛甫二歲氏矢志栢舟茹荼自勵事姑盡孝訓子有方姑歿喪葬如禮長子師孔遊庠間里稱爲慈孝守節五十五年乾隆十二年奉

旨旌表 夏氏邑人王立妻夫亡翁姑在堂家貧如洗每日磨賣豆腐供食生事死葬盡禮盡哀氏夫胞弟王瑁胞姪王道洽幼弱無依撫訓成立入武庠領鄉薦守節五十四年乾隆五十二年奉

旨旌表 劉氏車平里人 嚮永倉妻年十五歸嚮三載夫
亡亡後七日方得一男名福彰卽生員嚮守信之父也
又二年翁亦病故惟姑劉氏在堂家徒四壁親族多勸
氏改適氏蓬首垢面誓養老姑晝耕夜織撫育稚子娶
婦成家有孫入泮享年七十而終乾隆三十七年孫大
令陳廣文俱給扁旌之曰松筠勁節節孝雙全 蒙氏
寧化里人陳所倉妻年十五歸陳夫亡姑老二子俱幼
氏矢死靡他茹荼操作養姑盡孝育子有成享年七十
有一王大令祁廣文俱給扁云栢舟自誓貞烈可風
學冊成氏車平里人李振義妻年十六歸李生三子自
新自植自綦夫死家貧氏茹苦自甘育諸子成立自植

遊庠自新自綦俱食餼守節五十餘年享壽八十 傅
氏車平里人李自選妻年十五而嫁嫁四年而夫亡遺
孤李琴尙在襁褓氏勵志冰霜養孤成立鄉里稱焉
張氏上彭里廩生來宜妻夫亡子秩幼穉伶仃氏矢志
食貧撫孤成立守節三十餘年 尙氏寧化里民張宏
昌妻嫁八年而夫歿遺孤名可造僅二歲孀姑年七十
餘氏養姑育子艱苦備嘗後可造成立遊庠孫張儒學
武相繼入類氏守節六十年壽八十有四卒 王氏上
彭里廩生張元仕妻年二十七而寡矢志靡他嗣夫兄
之子爲子教育成名守節數十年卒 齊氏邑民任作
勤妻年十九夫亡嗣一子名百祥撫養成立授室未久

百祥又歿妻魏氏年二十四遺孤名鴻儒甫一歲是時齊氏漸老魏氏養孤抱子備歷艱辛卒成雙節云 李氏廩生傅連登妻年十九而寡遺孤永春最幼家四壁氏朝春夜績備茹百苦娶媳張氏生孫俊義教養成立補縣學生員氏守節五十餘年卒

按前廣文張君培言邑民王自适妻任氏年二十四夫亡遺一子一女家極貧而誓無他心後子女相繼死節操益堅顧氏猶生存張志有事定蓋棺之論附書簡末永式彤徽庶鄉閭巾幗追芳躅而勵貞風者不復以格於成例爲憾云



永壽縣新志卷八目

藝文

碑

記

考

辨

詩

永壽縣新志卷八

知縣蔣基重修

藝文類 碑記考辨詩

碑

元

無名氏漢建信侯廟碑漢建信侯齊人也姓婁諱敬漢高皇帝五年以布衣見上議都關中即日車駕入關賜姓劉封奉春君七年使匈奴知不可擊帝輒往侯不可上怒囚之平城圍解特原其罪封建信侯乾州好畤縣明月山有廟今廢屬永壽縣銘云侯乃隱居此山而得道者也能種黃金有種金坪將革召邑人囑曰爲廟祀

永壽縣新志卷八

我吾有以福汝矣言訖雲霞飛集而去熙寧二年碑知鳳翔府鄆咸撰文好畤令雷壽松爲民禱雨應又曰唐刻寶歷三年令韓儵禱雨應先雨後雲其事甚異其碑今亡矣侯功名遂慨然致仕歸老知足不辱已獲輕舉且侯用片言取信萬乘之主當時何良平勃弗能措其辭拜君封侯績標青史名揚後代不賢者能乎用之則行舍之則藏惟懷道者能之云云至大戊申始洗月朏日天和

明

宋濂雲寂寺汝照禪師舍利塔碑禪師諱寶金族姓石氏其號爲碧峰生於乾州永壽縣父名通甫宅心從厚

人號爲長者母張氏亦好善不倦有桑門持鉢乞食以觀音像授張且囑曰汝謹事之當生智慧之男未幾果生禪師白光煌煌煜然照室幼恒多疾纏綿衾枕間父母疑之曰此兒感祥徵而生其宜歸之釋氏乎年六歲依雲寂倡法師爲弟子旣薙落受具戒徧詣講肆窮性相之學對衆演說纍纍如貫珠聞者解頤已而拊髀嘆曰三藏之文皆標月之指爾昔者祖師說法天華繽紛金蓮湧現尙未能出離生死况區區者耶卽更衣入禪林時如海真公樹正法幢於西蜀晉雲山中亟往見之公示以道要禪師大起疑情三二年間寢食爲廢偶攜僮隨公擷蔬於園忽凝坐不動歷三時方寤公曰爾入

定耶禪師曰然曰汝何所見曰有所悟爾曰汝第言之禪師舉篋示之公非之禪師寘篋於地拱手而立公又非之禪師厲聲一喝公奮前搵其背使速言禪師築公顛仆之公又未之許笑曰塵勞暫息定力未能深到必使心路絕祖闕透然後大法可明耳禪師聞言愈精進不懈遂出參諸方憇峨眉山勢不復粒食日採松栢啖之脅不霑席者三年一念不生前後際斷照體獨立物我皆如自是入定或累日不起常趺坐大樹下溪水橫道人意禪師已休死越七日水退競往視之禪師燕坐如平時惟衣濕耳一日聽伐木通身汗出如雨嘆曰妙喜大悟十日入小悟無算豈欺我哉未生前之事吾今

日方知其真爾急往求證於公反復相辯詰甚力至於自悟禪榻而出公曰是則是矣翌日重勘之至期公於地上畫一圓相禪師以袖拂去之公復畫圓相禪師於中增一畫又拂去之公再畫如前禪師又增一畫成十字又拂去之公視之不語復畫如前禪師於十字加四偶成萬文又拂去之公乃總畫三十圓相禪師一一具答公曰汝今方知佛法宏勝如此也百餘年參學有悟者世豈無之能明大機用者寧復幾人無用和尚有云坐下當出三虎一彪一彪者豈非爾耶爾宜往朔方其道當大行也無用蓋公之師云先是禪師在定中見一山甚秀拔臺閣崢嶸金碧絢爛諸佛示化二菩薩行道其中者指禪師謂曰此五臺山秘魔巖也爾前身行道其中靈骨猶在何乃忘之旣寤遂遊五臺山道逢蓬首女子身披五彩幣衣赤足徐行一黑獒隨其後禪師問曰子何之曰入山中耳曰將何爲曰一切不爲良久乃復扣之同行者皆弗之見或謂文殊化身云禪師就山建靈鷲菴四方聞之不遠千里負餼糧來獻者日續紛也禪師悉儲之以食遊學之僧多至千餘人雖丁歲大儉亦不拒也至正戊子冬順帝遣使者召至燕都慰勞敬之如神禪師往與叩擊空瞪視不荅及出空嘆曰此真有道者也冬月大雪有紅光自禪師室中起上接霄

漢帝驚嘆賜以錦紋伽黎衣遣歸明年己丑復召見於
延春閣命建壇禱雨輒應賜以金繒若干禪師受之卽
以賑饑乏民又明年庚寅特賜寂照圓明大禪師之號
詔主海印禪寺禪師力辭名香法衣之賜殆無虛日自
丞相而下以至武弁悍將無不以爲依歸已而懇求還
山洪武戊申大明皇帝卽位於建業明年己酉燕都平
又明年庚戌召禪師至南京夏五月見上奉天殿且曰
久聞師名以中州苦寒特延師居南方耳遂留於三天
界寺時召入問佛法及鬼神情狀奏對稱旨又一年辛
亥冬十月朔上將設普濟佛會於鍾山高行僧十人泣
其事而禪師與焉賜以蒲饌於崇禧寺大駕幸臨移時
方還明年壬子春正月旣望諸沙門方畢集上服皮弁
服親行獻佛之禮夜將半勅禪師於圓悟關施摩伽陀
斛法食竣事寵賚優渥卽玉環錦袈裟之類夏五月悉
鬻衣盂之資作佛事七日乃示微疾上知之親御翰墨
賜詩十二韻有元關盡悟已成正覺之言天光昭回人
皆以爲榮時疾已革不能詣闕謝至十月四日沐浴更
衣與四衆言別正襟危坐目將瞑弟子祖全智信請曰
和尚逝則逝矣不留一言何以暴白於後世耶禪師曰
三藏法寶尙爲故紙留言欲何爲夷然而逝壽六十五
僧臘五十有九候三日奉龕茶毗於聚寶山傾城出送
香幣積如邱陵或恐不得與執紼之列露宿以候之及

至火滅獲五色舍利齒舌數珠皆不壞紛然爭取灰土
爲盡禪師體貌豐偉端重寡言笑福惠雙足所至化之
故其在山也捧足頂禮者項背相望其應供而出也持
香花擊梵樂迎者在在而有不啻生佛出現其行事可
悉書弟子散之四方無以會其同某等將以某年某月
建塔於某山乃撥其大略請安次王普爲狀一通徵濂
爲之銘上祀方丘宿於齋宮濂與禮部尙書陶凱實侍
左右上出賜禪師詩令觀之其稱禪師之德爲甚備夫
聖人之言天也因知禪師之道上與天通下從人望雖
不獲住名山大刹要可以無憾然而月林觀公遠承臨
濟正宗其第五傳曰無用寬公竺源盛公竺源之道行

於南無用之道著於北禪師蓋無用諸孫也濂近銘竺
源之墓今又述禪師之行而文諸碑嗚呼哲人云亡奈
何不興大法衰微之嘆乎銘曰臨濟崇崇西來正宗益
衍以鴻三虎怒投中有一彪氣可吞牛性相紛拏瓜蔓
交加入海算沙乃易禪衣乃抵勝師乃治其疵棲身孱
顏絕去八還入第一關河水浸淫趺坐樹陰爰濕我襟
我松我糲我泉我漿渴饑兩忘實相圓通無物不容悟
其本空元微肇胎陟彼五臺樓閣門開南粵北胡方衣
圓顱水赴雲趨無間儉豐香積之充且妥其躬其名上
聞便蕃宸恩來自帝闈於赫皇明遣使奉迎館於神京
龍文成章日晶月光鬱其寵榮四衆所依胡不寧茲而

亟其歸泰山崔崔一旦其頽靡人不哀有宥者岡白虹吐芒舍利之藏

薛瑄 至聖文宣王廟碑 邠州之永壽實古豳國之地縣學有大成至聖文宣王殿創自前代我皇明統一寰區首崇儒教大詔天下建學立先師廟有司以時致祭毋俾廢怠於時宜聖殿以及兩廡固嘗新理之然歷年既久漸迄敝漏及創始之際又卑陋不足以展禮事神今縣令山西高平郭質以鄉舉發身來知是縣始至進謁 聖廟瞻仰周顧大懼無以仰副國家崇明祀育賢才之意退而卽欲興修然以邑民僅千室力單財寡所需之物無自出遂行視縣城內外遠近官宇隙塹園地

得數百畝督令有役於官者假借耕具給與種子俾以時種穫其間積凡三歲得穀麥若干斛復借民車輪至咸陽渭水之次易木以歸且先於農隙時以餘穀僦工埏燒瓦甃覆蓋墁飾諸物百用既具乃於天順元年七月洎其縣丞新城馬騏典史饒陽宋準協心鳩工興作擴舊時大成殿三間爲五兩廡舊各五間今俱增四爲九以至戟門櫺星門神厨神庫次第改作基宇高廣壯固有加於前始事於是月十九日竣事於次年七月明倫堂兩齋及生徒退習之室用工小而先已新葺獨殿廡神宇鼎新之功爲大於時教諭壽州薛澄訓導臨汾安廣進諸生而商之曰惟是廟學因仍弊陋者數十年

矣今郭令以學古入官之才審於爲政之所重雖居小縣民寡事務叢劇之際能出謀儲用不勞民力不取民財克瞻廟貌之成高廣嚴翼有盛於昔以及他宇亦爲葺理事神育才咸盡其道實有以仰副國家崇重儒教之意雖古良有司之興學者殆無以過之夫令有善政不可使無聞於後世乃具其事之本末遣生員張敏岳某來求文於予將刻諸石以示永久遂爲之銘曰維此永壽惟有廟學千百其年爰始爰作或度孔庠或宇寢隳神不顧饗士荒於嬉有令學古式臨茲土乃怵於心乃惕於觀顧茲小邑式寡於丁瞻言興之孰資於成我思其方有田斯植乃耕乃耘有年有積輸之百輛清渭之浹以有貿無萬木委止工獻其巧人執其勤廟廡改作廓舊益新葺理之周爰及百宇神祀孔彰士有攸處師曰斯役惟令之功欽服國典教道日崇不有纂述將泯其實我銘是永勒於貞石

金記

郭邦基重修惠民泉記永壽縣古麻亭驛也城在嶺之巔三面阻險攸居之人弗能鑿井宋嘉祐中呂汲公大防爲令時於城東甘水源相其地形鑿山爲渠引而入城百姓利之嘗歌曰泉之來兮東澗邊昔我勞苦今安然願公早入佐天子霈爲膏澤及民編因目之爲呂公

惠民泉歲月寢久兵革之餘泉渠圯壞無復存者泰和元年邢公珣由進士第主邑簿下車後歷詢耆耄苟有利害爲之興除衆以泉聞遂訪其源得故道有瓦甃之迹在焉不旬日間厥工告成其泉之通也歟焉老幼忻忻賡爲之歌曰我公來兮揚仁風當時澗水能復通濟人利物誰與同昔有吕公今邢公

元

單鵠重修廟學記永壽縣境於沮漆芮鞠犬牙相出入距古豳倍舍之許距今邠州一傳爾前宋隸邠州今屬乾州縣故有廟學庳陋傾圯今縣尉宋君思義捐俸鳩工益其庳新其圯崇不逾制儉不歉禮殿廡厨廡講授之室悉備又增學田二百畝云云

永壽縣新志卷八

八

明

張朝綱遊武陵山記長安之西有永壽環邑皆山也五峰聳其東明月峙其西其北則達古豳分水嶺有天險關焉古稱秦中多形勝山光互映如永壽者亦鮮澗水分流泉甘而冽居民便之公劉詩所謂相其陰陽觀其流泉者疑卽在此說者以爲吕大防之所導也邑西有山山有寺寺有文筆峰時偕寮案邑博士諸君子政事之暇常登眺焉非浪遊也昔晉羊叔子好遊峴山宋歐陽子好遊滁山功德加於斯民聲施垂於後世顧予何人敢比前烈然覩文筆之峰則思育英才觀山下之泉

則思興水利瞻石山之空寂則思蕃樹植覽阪田之磽瘠則思勤稼穡週山四望有感然不得其所者皆吾赤子也思拯救而安全之是遊也豈浪遊如謝康樂之鑿山開道潘孟陽之飲酒遊山長夜忘返爲也其裨於政多矣顧時方尙名而余以實時方尙巧而余以拙行與時違人多惡之此山怪石礧麓不堪時用余以愚拙偃蹇不堪時用有類於石然砥礪頽俗琢磨文教自信少有補於疲邑焉諸君子笑曰有是哉以其言書於孤崖之石

學冊載張公入名宦祠記中云砥礪頽俗琢磨文教自信少有補於疲邑是遊誠非浪遊卽考言以

考績固宜尸祝瞽宗

郭宗準惠民泉記永壽之邑據高控險土厚不可以井

永壽縣新志卷八

九

第賴水於郭東深澗中往來五六里強半爲亥徑其艱也可知余庚戌道經米一升易水不一斛然猶常直也暑雨寒沍或更倍蓰今以北山之泉注郭中於是水莫便於永縣矣前開封府檢校家居楊邦梁實爲之泉去郭七里卽東水之源建甌而下則趨澗迤邐渠之乃得入郭甚不易也故屢渠而屢廢嘉祐中呂汲公大防爲令蓋作始焉謂之惠民泉金太和中進士邢珣爲主簿因其圯壞修復之鄉貢進士郭邦基爲之記碑在邠州邠舊統永壽也至勝國時前業無復遺跡且不聞有呂與邢矣邑人白用掘地得故渠身自修之董節禮者爲作白公通泉惠民記碑在今城隍廟邠州之碑白與董

未之見是以碑中之事泯而不傳此官府之所以不講也白氏之渠之廢已莫知歲年宏治間知縣李綱常一舉之不數年而弛楊據白氏之義竟毅然復舊貫云本朝

〔張焜新創學宮記〕古重司徒之官首隆學校之設凡以士之有學校猶農之有畝噲工之有居肆賈之有市廛也士雖正其義不謀其利明其道不計其功然幼學壯行之謂何上求致君下期澤民此亦研田之望穫美玉之待沽安得不如農之藉膏腴工賈之爭闐闐哉永邑七罹寇烽學宮灰燼士生其間何異農之失耕工賈之廢業以求出塗泥之中而致青雲之上其何道之從焜

於康熙六年六月下車任事詢知永士科名自故明中葉至今一百四十年間杳然絕響不禁太息曰有是哉永邑文風之否耶隨下牒學師訂期集諸生會課每月率以爲常月閱若干卷隨時披削而等其高下一時穎異頗多因嘆科名之閭寂咎豈獨在諸士哉邑之宰非薄其邑之士而以踈遠自安邑之士踈遠其邑之宰而亦以菲薄自待苟且因循而無鼓舞磨礱之氣遂致於碌碌而久無聞也夫長吏以養育人材爲急安忍學宮之久圯而令士子無瞻依之所肄業之場耶因謀於廣文任君縣尉傅君貢生趙君等卜地數處皆不吉乃復周迴審睇得吉地二畝許於城之東北隅卽日貸資百

金鳩工庀材而里中之紳衿義民亦樂助有差計工起於康熙八年二月初四日

文廟爲先兩廡次之戟門次之櫺星門又次之繼之以崇聖祠名宦祠鄉賢祠明倫堂而泮池環橋皆以次舉也旣蒞厥事乃以吉辰蕪香鼓樂率師生迎

聖牌登座先賢先儒各以次設列正禮拜間忽祥光繞橋門靈鵲集大成殿無不舉手加額慶是科必有達者是時也正康熙八年己酉六月初七日也未幾而屆鄉試期予亦聞分戴記房與衡文事及揭曉日拆號至十六名任子者壽三十八名羅子萬傑果皆以詩經中式榜發三秦競傳爲奇敬盥手備記以彰此舉之盛

張焜捐疏水泉記永壽山邑也地厚而燥土石間雜穴之者皆焦枯少滋液掘深百仍不及泉居民素苦汲汲則挈壘抱甕行幾里而求諸絕壁之澗稍縱視失足鮮不破壘覆甕最苦雨中雪中汲徑滑步艱十汲而常覆三四覆則更汲不啻取明水於方諸仰甘露於仙掌也尤苦者東作方殷麥秋盛暑渴不得漿何以勝耕獲之勞往往求汲之益而荒半晌之工妨農莫甚於此不寧惟是永有驛驛賴馬力馬賴水草獨永之驛騎艱於飲多不及時且以奔馳疲乏之後策飲於險壑之下飲飽而騰躍於峻坡之上病馬莫甚於此其帶牛佩犢之苦又不待言矣予每太息曰民之苦恒在饑今永民又兼

苦渴耶日思所以濟之聞宋時有呂公泉特患無覓之者乃邀同廣文任君縣尉傅君貢士趙君等徒步禱祝尋泉之源約行八里許近分水嶺麓予思堪輿家有云凡龍之轉處卽有伏泉在下此正龍之轉處也隨令抉之漸有清液滲出再深抉之則汨汨然矣皆喜曰泉在是哉逾數十武抉之水溢又逾數十武抉之水又溢任君等俱狂喜曰求一泉而不可得今且得三異哉各以手掬飲三泉甘美不相上下而一種香味似下泉尤佳予於翌日卽捐俸募夫漚三泉於一道因勢順導開麓成渠高者削之使平陷者填之使聳石塹則錘鑿而通之斷岸則剝木以渡之委蛇曲折導使入城因砌兩池以時其蓄洩上池便民之汲下池便畜之飲似可爲長久計矣乃未幾而土人告曰水道一帶土浮滲漏得水不多奈何又告曰堅冰將至水凍汲絕奈何又告曰無人勤修不時淤滯奈何予曰然哉然哉誠宜慮及此也因思水不就土則不滲水不見風則不凝乃命陶人製瓦桶數千順水魚貫覆以厚土其危險難施處則益以石覘令其伏流而往又募夫二名不時利導焉於是涓滴不漏嚴寒不凝四時無傾瀉之患可以世食水德於不朽矣嗟乎泉本無壞時而治泉者有懈時是在後之君子善爲經理之以勿壞已成之水利可也

盧化敬重修城隍廟記建邑而祀城隍將以奠安乎土

宇保障乎人民而旌別淑慝彰善癉惡於是乎行焉永
壽自元時徙縣治於茲立廟於城之西北幾閱四百年
其城郭有明末造至今凡三遷諸皆圯廢弗舉獨城隍
廟故基無改棟宇屢新豈非以神之靈鑒人善惡能禍
福人而人兢兢焉持邀禱之心因是虔恭罔敢替歟顧
神之所以降禍福者匪邀而可獲禱而可免惟視乎人
之善惡而旌別之載考舊碑靈爽昭格殆者安拂者若
如響之應聲凡民之有願望其必請籲於神也固宜然
而政以理陽神以理陰惑於義者謂陰陽之殊其教而
不識幽明之一其理今夫理教備具國法森嚴樂循禮
則順而祥輕犯法則凶而咎彼奸慝之徒視政教如弁
髦扞文網而不知畏一與之言鬼神杳冥不可測之事
則惕然懼作乞靈禱祀妄冀其罪戾之可以幸逃而庸
庸者亦忽乎上令下供父慈子孝之常道祇爭聽命於
機祥庸詎知聰明正直鑒觀有赫天理之昭昭固在人
心日用間修之吉而悖之凶蓋有一定而不移者夫豈
徒區區趨避之所可得哉今廟貌所在聿新巍煥崇奕
吾願瞻拜其下者思彰癉之靡忒力行善道以勿陷於
邪惡曰旦日明自求多福則所以歆神祀而獲神庥也
大矣不然金碧以塗之日考鐘伐鼓以告之卽曰所以
事神者在是則非置邑立廟與今日修而記之之意也
新廟之勞邑義民唐運泰最著凌烟著梁承協其事

蔣基新建火神廟文昌閣記聞之神體物而不遺人心
卽神心之所感神隨應之彌綸布濩蓋已盈天地間初
不必知其情狀也顧先王神道設教所以牖民非以愚
民於是莊嚴顯赫廟貌巍然又千百年來如一日矣永
邑嚮少火災戊申正月朔忽民廬遭回祿士恒務農掇
科第鮮近歲有先後領鄉薦者僉曰火災賴火神救護
科第屬文昌職司是不可不思所以祈之報之邑故無
火神廟舊有文昌閣久傾圯靡存余因力圖創造冀爲
吾永邑人捍禍患迓福祥爾會己酉冬以攝篆整厓去
任半年事遂寢庚戌夏四月仍回永任爰度地經營於
縣城內東北建火神廟於縣城外南關建文昌閣涓吉

辛亥春三月庀材鳩工越癸丑秋仲藏厥事今而後庶
幾廟貌常新神道益著吾永邑人枕席居安詩書澤裕
無謔出之聲有誦弦之樂於以捍禍患而迓福祥是亦
余司牧者區區之願也夫按古者以火紀官舜時伯益
掌火今道家火部諸神之稱儒者弗能深攷星經文昌
六星其形如筐或云詩之張仲卽是其說頗不經總之
祝融秉令繼照南離魁斗揚靈分光北極神日監在茲
有感則有應實稽驗乎人之心而已獨火神文昌爲然
哉是役也共費白金四百七十兩有奇除各量力輸貲
外餘費不足余悉任之以廟與閣同時議建故合記其
事而并刻諸石焉

火神廟工竣余旋署篆寧彞洎載
回任始續建文昌閣故閱時稍遲

明考

〔文翔鳳邠谷考略〕永壽為唐漆縣唐無漆縣當作漢求其漆而

弗得近始詢得於九變之陰細甚又不當率西之道其

建邑蓋誤以率西之澣為漆沮而遂以名而吏又因縣

以飾實之亦豈果有兩漆沮如雍錄諸說謂詩書不相

協乎書稱涇屬渭汭漆沮既從同耀之水實入渭而清

碧如漆也詩止云率西澣不言漆奈何強而傳之西澣實麟

遊縣東南之漆水此說亦非其云自土沮漆亦非謂幽奧果在漆沮

間蓋道其遐僻之界而陶復固自在谷中也乃為善說

詩西澣蓋即今大峪底窖諸水而必以為率漆沮而西

永壽縣新志卷八

十五

也宜其裂詩書而二之寧州真寧蓋北幽幽之脉淳化

蓋南幽幽之腴同官耀州蓋東幽邠州永壽蓋西幽幽

之腋三水蓋中幽幽之腹而寧州真寧三水皆立幽谷

中谷九而原隰錯故謂之幽也

辨

本朝

〔蔣兆甲梁山辨〕省志載梁山在乾州北十里秦始皇本

紀始皇三十五年幸梁山官顏師古注梁山在岐山東

九嶷山西魏書地形志漠西縣有梁山括地志山在雍

州好時縣西北十八里元和志梁山高宗乾所在地理

通釋山在京兆府奉天縣北五里又扶風志亦載梁山

在縣東北六十里據此梁山當以在乾州爲是麟遊縣志恐誤

此條從岐山縣志採入

按麟遊縣志梁山卽縣治山原又云縣治爲梁山舊址周太王去邠踰梁山卽此永壽乾州二志皆有梁山非是其意蓋謂乾永之梁山乃秦宮唐陵所在而非太王之所踰也此緣親歷其地而知非從紙上得之者且顏籀魏收李泰李吉甫王應麟之屬亦未嘗謂乾永梁山卽太王所踰岐山志乃承孔氏詩疏之誤而駁之無乃非其所是與

又案史記周本紀去邠渡漆沮踰梁山麟遊志謂漆

水在縣東南

後漢書注沮水不知所在

合普潤以東之岐水入渭

永壽縣新志卷八

共

此正漢書漆縣之漆縣詩所謂率西水滸者是也太王當日必渡此水然後西踰梁山迄今數千百年光景宛猶在目可謂史中亦有畫矣總之踰山渡水顯然俱在麟遊諸儒聚訟紛紜無異盲人道黑白也

唐詩

岑參送永壽王贊府歸縣云當官接閒暇暫得歸林泉
百里路不宿兩鄉山復連夜深露濕簾月出風驚蟬且
盡主人酒爲君從醉眠

耿漳邠南留別云長路來還去生涯竟若何艱難爲客
慣貧賤受恩多暮角寒山色秋風遠水波無人見惆悵

垂韉入煙蘿

〔戴叔倫建中癸亥歲除夕宿武陵山北村云〕歲除日又暮山險路仍新驅傳迷深谷瞻星紀北辰古亭聊假寐中夜忽逢人相問皆嗚咽傷心不待春

〔于鵠贈永壽王道者云〕去尋常不出門似絕人行牀下石苔滿屋頭秋草生學琴寒月短寫易晚窓明惟到黃昏後溪中間磬聲

〔許棠過穆陵關云〕荒關無吏守亦恥白衣過地廣人耕絕天寒雁下多東西方自感雨雪更相和日暮聊攄思搖鞭一放歌

〔僧齊己詠明月山云〕明月山頭石曾聞學月明別舒長夜彩高照一村耕頗亂無私理徒驚鄙俗情傳云遭鑿後頑石任崢嶸

明

〔李夢陽古幽道中云〕高原驄馬曉嘶風歷歷封疆一望中畝有耨鋤溝遂改野無鞞琫處廬空幽山涇水遺民慶秋穀春蠶啟國功讀罷二南歌七月始知深慮是周公

〔曹愈秋日永壽道中卽事云〕分水通煙市偏峯挂古城鷄聲層漢落人語亂山鳴蕭瑟迎秋起蒼茫逐晚生慚予忝岳牧那復賦西征

〔東郡楊巍永壽道中云〕不知山縣處忽聽午時鷄城郭

趙運熙題兩郊古栢云
虬栢如林壯地形數尋偃仰接
蒼冥荒廬衰草經秋白故國修柯隔代青村老霜姿同
士節影寒雲氣對山靈惟餘喬木烽煙後弔古窮鄉也
涕零

無名道士過永留題云
經過諸郡縣未有此荒城仄路
三盤上單街兩面傾避風依左戶馱水下西坪中伏寒
如臘天何太不情 山水多竒怪秦中得武陵書生纔
作吏官况略如僧勸課文無害循良事有徵琴堂終日
閉六月一簾冰 戶口罹兵火窖居百十家土深難甃
井縣小易爲花深水原非漆空亭詎有麻終年無訟獄
寂寂鎖官衙 數日僧寮卧空山乏水薪不因行役到

寧恕宰官貧廉吏歌聞楚無衣客在秦夜來明月下促
席好吹幽

蔣基抵永壽境云
驅車西邁入秦中蔬屨初辭半畝宮
問俗定歌今樂土披圖儼讀古幽風山區戶小宜藏富
斗署官閒合固窮地角天涯隨所遇人生蹤跡類飛鴻
又麥秋至志喜云
南幽故小邑孔道當東西山陬苦堯
塉耒耜勤歲時厥民五里輯厥壤五等稽厥田四千頃
厥賦供黔黎孟夏土膏發小麥大麥齊黃雲覆綺陌翠
浪搖煙畦歡呼耦耕叟鼓舞饁餉妻收成十分報疆吏
飛章馳皇天生庶物滲漉敷華滋三農九穀播率育來
牟貽有秋重力稽風化陳幽詩長思日至熟宇宙春臺

熙

趙希璜詠梁山云：梁山之說何紛紛，毛詩本自存其真。
 率西水滸至岐下，東尋好時來周原。後人聚訟愈失實，
 沿流胡遽忘討源。周原膺膺接幽壤，一山橫界生烟雲。
 踰此可限戎馬足，旌旂照耀河之濱。好時昔稱美田地，
 秦宮秦時交璘珣。乾武東北界永壽，毗連綿亘相迴環。
 鷄間漆虛自上古，陶復陶穴看躋攀。李斯車騎祖龍怒，
 古公播遷岐鳳聞。險阻踰越幾千載，經生追論慙分門。
 馮翊扶風自逕別，鄭注孔疏誰宜刪。揜擗不厭涉誇大，
 據摭無當空煩言。牽率晉望與秦望，猶如坐井忘朝昏。
 我偕半菴勤考據，時延婁東王半菴修永壽縣志徒笑數典同家珍。好
 時流長山永奠，岐周密邇東西分。



永豐齋藏書

第四冊

卷九

別錄

卷十

補遺

永壽縣新志卷九目

別錄

述異

紀兵



永壽縣新志卷九

知縣蔣基重修

別錄類 述異 紀兵

述異

周

舊志定王二十一年梁山崩

按春秋梁山崩注云梁山在馮翊夏陽縣北穀梁傳梁山崩注云梁山晉之望通鑑前編梁山崩壅河三日注云梁山在今韓城縣北則非縣境之梁山明矣舊志誤

秦

永壽縣新志卷九

史記秦本紀武王三年渭水赤三日

漢書五行志昭襄王三十四年渭水赤三日

按秦居渭陽渭水數赤劉向以為近火沴水也天戒若曰勿為刻急將致敗亡秦卒不改至始皇滅六國二世而亡永壽故漆縣地其西境實渭水所逕秦漢之際驟罹兵革是其驗矣

漢

西京雜記元封二年大寒雪深五尺三輔人民凍死者十有二三

後漢

乾州志建武二年饑人相食黃金一斤易豈五斗

後漢書五行志延熹四年六月右扶風地震時漆好時俱屬右扶風

晉

十六國春秋前秦苻堅建元四年七月梁山崩
按此卽周太王所踰之梁山也在晉時新平郡南後
十餘年堅死新平遂亡其國此爲先兆也

後魏

魏書靈徵志延興二年二月白雀見於扶風郡魏扶風郡治好時

隋

隋書五行志開皇六年七月關中旱米價踴貴

永壽縣新志卷九

二

按宋元以前祥異之獨著於永壽者絕少而關中乃
全秦之地全秦俱旱則一邑可知觀舊志所載永壽
水旱與明史所書陝西水旱年月悉符益見天災流
行不遺下邑故謹志之後俱仿此

唐

玉海太宗貞觀三年邠州永壽縣麟見

唐書五行志貞觀二十二年九月邠州大疫時永壽屬邠州遣

醫療之

冊府元龜貞元十七年五月戊寅好時縣風雹害麥

宋

宋史五行志乾德二年陝西諸州縣有蝗

玉海太宗太平興國九年乾州永壽縣產三角羊

按乾州志太宗九年知乾州魏昇獻三角羊疑卽玉海所載三角羊事而傳聞稍異耳

宋史五行志淳化元年乾州旱

時永壽屬乾州

乾州志天禧四年十一月天有赤氣如埽帚長七尺占爲兵疫

金

金史五行志大定二十年二十六年關中諸縣大稔衛紹王崇慶二年大旱斗米至八千錢

元

元史五行志泰定帝三年六月乾州永壽縣雨雹

永壽縣新志卷九

三

元史文宗本紀陝西自泰定二年至文宗元年

凡四年不

雨大饑民相食

元史五行志天歷二年乾州諸縣饑順帝至正十二年

閏三月全秦地震二十六年四月奉元路黃霧四塞

元乾

州永壽縣俱隸奉元路

明

名山藏永樂十二年三月陝西諸縣饑疫

陝西通志宣德三年陝西大旱饑

英宗實錄正統十年六月陝西全省災疫敕禱西嶽華

山

舊志成化二十年大旱饑

續文獻通考成化二十二年乾州大饑武功民王瑾殺
宿客而食之

舊志宏治五年武陵塔上有瑞雲五彩

二申野錄宏治八年二月陝西天門開人馬百萬自下
而上正德六年夏五月有龍墮於乾州長數十丈目光
如火開合閃閃可畏四足據地北行至永壽界得水飛
去

名山藏嘉靖初立陝西州縣大旱疫

續文獻通考嘉靖七年陝西大饑

舊志嘉靖七年大旱饑

乾州志嘉靖七年大饑八年飛蝗蔽天

名山藏嘉靖十年大旱螟

續文獻通考嘉靖三十四年十二月陝西地震或一日
連震數次或累日震不止

舊志嘉靖三十四年十二月十二日夜地大震十三日
夜至二十一日微震二十二日午後復大震少頃止三
十五年正月五日地震五月四日十八日十九日二十
日六月十九日俱震三十六年三月兩日相盪

明紀不
書史失

之四月二十四日地又震三十七年二月九日十日俱
震

張志嘉靖三十八年夏麥雙岐四十三年八月十四日
雨雪

穆宗實錄隆慶二年陝西地震告災華山

續文獻通考隆慶二年陝西大旱

張志隆慶二年五月雨雹四年七月雨雹如鷄卵傷稼
二申野錄萬歷十四年陝西大旱

張志萬歷十四年大旱

續文獻通考萬歷十九年三月初六日陝西黃氣蔽天
白晝晦暗徐而變爲黃色天鼓大鳴

張志萬歷二十三年五月雨雹烽火臺一雹大如牛形
四五日始消

陝西通志萬歷三十八年秋八月不雨至次年夏四月
民多疫死

張志萬歷四十二年天鼓鳴片時彷彿礮聲墜地閃爍
如電四十四年秋飛蝗入境稍傷稼

陝西通志萬歷四十八年關中大饑十歲兒易一斗粟
張志天啟元年十月初十日夜有白氣象如刀經宿方
散四年七月初二日地大震六年夏大旱

二申野錄崇禎元年三月二十五日五鼓全秦天赤如
血已時漸黃日始出八月恒雨霜殺稼

張志崇禎二年大旱饑

陝西通志崇禎七年秋全省蝗大饑冬全省地大震壞
屋傷人不計其數

張志崇禎七年十月初十日地震

二申野錄崇禎十年三月陝西天鼓鳴

陝西通志崇禎十二年全省產白鬼市鬻者甚衆

張志崇禎十年十一年十二年俱飛蝗入境大傷禾稼

二申野錄崇禎十三年陝西大旱人相食草木俱盡

張志崇禎十三年大旱奇荒人類相食斗粟直銀一兩

六錢饑疫交加一門一支絕亡不可勝數永之凋敝至

此極矣十五年五月十五日大雪竟日傷稼

二申野錄崇禎十六年乾州諸縣冰雹大如斛毀民廬

本朝

張志順治八年八月二十日雨蕎麥顆粒甚小研之無

仁十年五月二十一日雨雹小如卵大如拳積地五寸

永壽縣新志卷九

六

二日始消大傷禾稼十一年六月初九日夜地大震又

數數微震十日方止

陝西通志康熙元年六月陝西大雨十月涇渭水

張志康熙元年四月初五日雷雨冰雹堅如石塊自申

至戌禾苗盡傷六月二十四日至八月二十八日雷雨

如注連綿不絕城垣公署佛寺民窰俱傾七年好留里

穀秀雙穗八年好留里民王楓地內穀秀六穗

乾州志康熙二十年雷雨異常居民房屋多傾三十年

大旱飛蝗蔽天民饑

陝西通志康熙三十年大饑三十一年饑疫

乾州志康熙三十二年大稔麥多雙岐四十八年地大

震五十八年大風拔木

陝西資政錄雍正四年十二月十八日陝西黃河清五年正月初六日涇水清

縣冊乾隆十三年夏四鄉雨雹傷禾 十四年秋大稔

十七年旱秋禾不登 二十六年蝗大無麥禾 二

十七年夏東鄉雨雹傷禾借給籽種 三十年大稔斗

麥錢八十斗穀錢四十 三十二年大稔 三十三年

西南二鄉雨雹傷秋稼 三十六年夏四月隕霜殺稼

四十二年四鄉秋禾受旱緩徵地丁錢糧 四十三

年四十五年俱有秋 四十六年夏嘉禾生 四十七

年秋大稔 五十一年東北鄉雨雹傷禾捐給籽種

五十五年夏大稔

紀兵

夏

詩大雅篤公劉其軍三軍毛傳三軍相襲也鄭箋邠后稷上公之封大國之制三軍以其餘卒爲羨今公劉遷於豳民始從之丁夫適滿三軍之數單者無羨卒也孔疏毛以爲從邠往豳未得安定之時其爲軍也分老弱婦女爲三等之陣而單營之鄭言公劉初至於豳丁夫寡少其軍有三惟單而已無羨卒也正義云慮有寇鈔故三重爲軍王肅云三單相襲止居則婦女在內老弱次之強壯在外言有備也

後漢書西羌傳夏桀之亂吠夷入居於幽

商

孟子昔者太王居邠狄人侵之

竹書紀年武乙元年邠遷于岐周統箋避狄難也邠人從

漢

漢書高帝紀漢王引兵襲雍雍王邯迎擊漢陳倉雍兵

敗還走軼好時又大敗好時在永壽縣西南

漢書曹參傳參擊章平軍於好時南破之圍好時取壤

鄉擊三秦軍壤東及高櫟破之復圍章平平出好時走

漢書樊噲傳噲從攻雍釐城擊章平好時

永壽縣新志卷九

八

漢書周勃傳勃北攻漆擊章平姚卬兵漆今永壽縣地

後漢

資治通鑑建武六年冬十二月帝詔耿弇軍漆

後漢書馬援傳八年帝西征隗囂至漆

三國

魏志趙儼傳太祖以儼為關中護軍盡統諸軍羌虜數

來寇害儼率殷署等追至新平大破之新平今永壽縣及邠州地

晉

晉書索靖傳永嘉五年冬十月索綝遷新平太守時長

安已陷綝與雍州刺史賈疋等進救手擒賊帥李羗

晉書前趙載記元帝太興二年劉曜光初二年黃石屠各路松

多起兵於新平聚衆數千附於南陽王保保以其將張
覲爲新平太守劉曜兵擊之不克

〔晉書後趙載記〕明帝太寧八年趙建平四年冬十二月石生

故將郭權以生旣敗據上邽以歸順詔以權爲鎮西將
軍秦州刺史於是京兆新平皆應之

〔晉書後秦載記〕孝武帝太元九年秦建元二十年姚萇遣諸將

攻新平十年夏四月新平太守苟輔率男女萬五千口
出走萇圍而坑之男女無遺

〔十六國春秋〕後秦姚萇白雀二年冬十月慕容冲遣尙

書令車騎大將軍高蓋率衆五萬來侵戰於新平南大
破之蓋率麾下數千人來降拜散騎常侍〔又前秦苻

登太初四年登帥衆從新平逕據新豐之千戶

〔晉書後秦載記〕安帝義熙十一年後秦宏治十七年赫連勃勃

攻拔杏城姚興入北地遣姚弼引軍向新平秋九月勃
勃遣其將赫連建率衆寇二縣遂入新平姚弼與戰大

破之擒建送於長安

按新平非永壽一縣地亦有在他境而闌入者蓋旣
爲假道之侵卽有震鄰之恐故備志之

後魏

〔魏書太武帝紀〕太平眞君六年冬十一月蓋吳遣其部
落白廣平西掠新平

〔魏書北海王詳傳〕孝武帝正光五年冬十月胡琛將宿

勤明達叱干麒麟等亂幽地

永壽縣時爲廣壽原雖未置縣故幽地也

後周

〔周書王褒傳〕文帝大統六年茹茹渡河南寇候騎已過幽州朝廷慮其深入乃徵發士馬屯守京城

唐

〔唐書兵志〕武德三年以幽州道爲招搖軍

時永壽隸幽州

〔唐書高祖紀〕武德五年八月乙卯突厥寇邊庚申皇太子出幽州道以禦突厥

〔舊唐書突厥傳〕頡利遣數千騎西入靈原等州詔隱太子出幽州道以討之

〔資治通鑑〕武德七年秋閏七月突厥入寇遣秦王世民

〔永壽縣新志卷九〕

十

屯兵幽州道以禦之

〔舊唐書肅宗紀〕天寶十五載六月辛丑安祿山陷潼關丁酉皇太子渡渭而北夕次永壽吏民稍持牛酒來獻〔唐書肅宗本紀〕至德二載秋閏八月甲寅安慶緒寇好時渭北節度使李光進敗之

〔唐書郭子儀傳〕寶應二年冬十月虜寇幽州先驅至奉天永泰元年秋九月僕固懷恩說吐蕃回紇党項羌渾奴刺等三十萬掠邠州入醴泉奉天京師大震

按代宗本紀十月丙寅吐蕃寇邠州丁卯寇奉天其時自北而南永壽當兵衝欲免蹂躪得乎

〔舊唐書代宗紀〕大歷三年八月丁卯吐蕃寇邠州轉掠

而南京師戒嚴節度使馬璘逆擊破之

唐書朱泚傳建中四年冬十月泚犯奉天帝使高重傑屯梁山禦賊

唐書李懷光傳興元二年三月懷光奪李建徽陽惠元軍屯好時

舊唐書吐蕃傳貞元二年九月以吐蕃遊騎及好時上復遣張獻甫屯於咸陽

冊府元龜哀帝天祐三年梁劉知俊等大破邠寇楊崇本殺二萬餘衆奪馬二千餘匹擒其列校百餘人

後梁

五代史楊崇本傳李茂貞西連蜀兵會崇本攻雍華太

永壽縣新志卷九

十一

祖遣彬王友裕擊之友裕至永壽而卒梁兵乃旋

梁家人傳

亦載此事

宋

宋史高宗本紀紹興十年六月郭浩攻破金人於醴州

永壽本醴州屬縣

金

金史太祖本紀天會八年四月婁室克邠醴州降

金史宣宗本紀興定元年以夏人侵軼選精銳六萬分屯邠乾等州

明

二申野錄崇禎甲戌六月洪承疇等扼賊漢中賊詐降

陳奇瑜信之賊出棧道陷永壽同官

〔明紀會纂〕崇禎七年八月陳奇瑜受賊僞降檄諸軍按甲不動遣官監護降者又檄所過州縣具糗糧傳送之賊度棧道已出險漸不受純束仍肆虜掠盡殺護官五十員攻陷麟遊永壽勢不可遏矣

〔張志〕崇禎七年八月初三日流賊破縣城殺掠甚慘

〔明史練國事傳〕崇禎八年國事疏言賊破麟遊永壽


〔張志〕八月初二日賊又破城房屋焚燬殆盡十六年十月十七日李賊長驅入城諸民賴內城以全

〔明史流寇傳〕崇禎十六年冬十月闖賊陷西安執永壽王誼況以爲制將軍

本朝

〔漁洋文集孟忠毅公神道碑〕順治元年秋賊渠賀珍數萬圍西安公遣將擊之追北至永壽賊遁去

〔陝西資政錄〕順治初賊賀珍犯縣城知縣傅性良禦却之



永壽縣新志卷十目

補遺

天象

地輿

古蹟

建置

風俗

土產

賦役

祀典

職官

選舉

人物

藝文

別錄

永壽縣新志卷十

知縣蔣基重修

補遺類

天象 賦役

地輿 祀典

古蹟 職官

建置 選舉

風俗 人物

土產 藝文

別錄

天象

分野

〔舊志〕秦爲東井之分永壽距省二百二十里

謂舊永壽

東井

正其分野星也

按玉堂筆記云天之有度猶地之有里每度廣千里度之最多者無如東井至三十有四然則區區永壽當入東井第幾度耶據唐書天文志太宗十七年已

〔永壽縣新志卷十〕

卯朔日有食之在東井十六度京師分也今新縣治在長安西北二百五十里以每度千里之說計之亦當入第十六度矣

徵應

〔魏書高允傳〕謂崔浩曰漢元年十月五星聚東井據星

傳太白辰星常附日而行十月日在尾箕昏沒於申南而東井方出於寅北二星何得背日而行此乃歷術之淺事而史官欲神其說不復推之於理浩曰果如君言

五星乃以前三月聚東井

謂十月前三月

非十月也

按秦以建亥月爲歲首五星之聚東井乃秦之十月實卽夏之七月耳顏籀劉攽皆云太初正律以後如

高帝紀春正月之類紀事者以夏時追改其月名獨此一事失於追改故猶書七月爲十月也觀此卽知高允之論金水二星卽太白辰星甚當而謂史官欲神其說則亦未然蓋周將代殷五星聚房齊桓將霸五星聚箕漢業將成五星聚井天道恒象焉可誣哉後東晉時熒惑復出東井而苻秦以亡此休咎二徵之最著者故附論於此

地輿

沿革

關輔統志永壽縣宋時又名長壽縣太平寰宇記云乾德中割長壽入乾州

永壽縣新志卷十

二

陝西圖經永壽漢漆縣地甘肅漢涼州地獻帝興平元年分安定扶風爲新平郡領漆鶡觚二縣隸涼州刺史然則永壽曾爲甘肅屬縣矣

按此說本於劉昭注郡國志魏收以新平郡爲建安中置誤也

關內周諮錄太平寰宇記云後魏大統十四年分涇州之新平縣置南豳州以北別有豳此爲南廢帝三年廢北豳州此遂去南字按樂史所謂北別有豳者卽今邠州南豳州卽今永壽縣地杜氏通典於永壽下注云有南豳城魏末置在縣北

陝西資政錄唐永壽縣隸邠州自天祐元年楊崇本以

邠州附於岐至梁末帝貞明初邠州李保衡叛岐來附首尾五六年中永壽當爲岐有

按冊府元龜云後梁貞明元年春三月岐邠州留後李保衡來降保衡楊崇本養子崇本又李茂貞養子賜姓名曰李繼徽任邠州二十餘年後爲其子彥魯所毒保衡殺彥魯送款於帝卽以保衡爲華州節度使而以霍彥威代鎮邠州岐遣劉知俊攻之踰年不克岐兵引還邠土始爲梁有

疆域

關內周諮錄漢縣廣大一縣足當後世一郡且疆界既定不甚改移逮永嘉東渡海宇瓜分南北兩朝互相誇

大徃徃地無百里數縣並建廢置離合不可勝紀姑以永壽一縣論之於北朝爲好時爲漢西爲上宜爲白土爲廣壽縣名寢多疆里轉狹求所謂從某至某廣袤若干者皆莫得而詳也昔賢謂地理之學難於天文職是故耳

按周諮錄謂漢縣當後世一郡其說誠然如舊志以永壽爲漢漆縣今合諸家記注考之則唐之新平普潤邠州亦皆漢漆縣之地一縣如是他可類推矣若後魏之白土縣卽今邠州非永壽也上宜隋縣亦非後魏所置

山水

〔五經攷辨〕梁山有二詩韓奕鄭箋云梁山於韓國之山最高大爲國之鎮所望祀焉在馮翊夏陽西北此指韓城郃陽兩縣界之梁山也書禹貢鄭注云岐山在右扶風美陽西北梁山西南此指乾州永壽兩界之梁山也康成箋注原自畫然孔氏綿詩疏不達鄭意乃合而爲一云梁山橫長其東當夏陽西北其西當岐山東北自幽適岐當踰之殊不知岐周韓國東西相距五六百里古公率西水滸至于岐下豈有走馬徂東之理乎長安志亦云卽禹貢治梁及岐古公所踰秦皇所幸之山其誤正與孔氏同耳

〔四書釋地〕雍有二梁山今韓城縣境書治梁及岐詩奕奕梁山春秋梁山崩爾雅梁山晉望也皆是與孟子之梁山無涉孟子梁山則在今乾州西北其山橫而長自邠抵岐二百五十餘里山適界乎一百三十里之間太王當日必踰此山然後可免狄患後秦始皇幸梁山亦此山也

按太王所踰之梁山在今麟遊縣非乾州之梁山也在乾州者廣僅二里橫長之說殊不足信已有辨正見藝文類中

〔明一統志〕峽山在永壽縣西南九十里其山巍然故名〔陝西資政錄〕自司馬遷作周本紀云去邠渡漆沮踰梁山後人遂以詩之水滸爲漆水文鳳翔駁之云永壽爲

漢唐漆縣求其漆水而弗得近始詢得於九嶷之陰細甚又不當率西之道蓋詩止言西澣不言漆奈何強而附之間嘗身至其地知所謂水澣者卽底窖大峪諸水耳案大峪河在永壽縣北發源分水嶺東北流入邠州界謂直父當年率此以西理亦近似然程大昌雍錄云渭水實在梁山之南循渭西上可以達岐則詩水字又似指渭河而非大峪矣

說文論正許氏引爾雅西至于汎國謂之四極从水八聲汎爾雅原本作邠許氏讀汎若邠古人韻緩故耳魏書地形志云太和十一年置班州尋改邠州又改幽州八字平聲爲班班與邠幽俱唇音知汎水卽幽水也金

史地理志云新平縣又有潘水潘與汎音亦近疑祇一水耳

按班乃邠之轉音於義實無所取元魏改班爲邠是已又改邠爲幽者史記索隱云幽卽邠也古今字異耳若唐人改幽爲邠徒以字形近幽亦無別義

明一統志涇水自新平縣流入永壽界

水利

幕府燕談永壽山縣鑿井數十丈尙不及泉爲之者至難或泉不佳則費已重矣後見一術者云凡開井必用數大盆貯水置數處俟夜氣明朗於盆內觀所照者星光何處最大而明則地中必有甘泉也試之屢驗

古蹟

官殿

關中名勝集史記云秦倚曲臺之宮垂衡天下應劭注秦皇所居不言臺在何地畿輔統志云在永壽縣留村按秦本紀云始皇令咸陽之旁二百里內置官觀二百七十漢書云秦起咸陽西至雍離宮三百雍錄云渭北有苑百八十里西向而入扶風周廻五百餘里則縣境所有當不獨梁山一宮也然臺名僅存蕩無遺址統志之說然乎否乎

郊垆

子史正訛路史國名紀云漆夏世侯伯之國防風氏漆姓之後今永壽縣是其遺墟也然世本無漆姓防風氏姓黎

永壽縣新志卷十

六

說文論正漢書地理志云美陽中水鄉太王所邑言太王遷邑於此也說文解邠字云邠太王國在右扶風美陽與漢書合幽字解云幽美陽亭有幽山从山从豸案幽亭當在今永壽之北邠州之南故杜預云幽在新平漆縣東北括地志云幽在新平縣本漢漆縣史記集解引徐廣云新平縣東北有幽亭帝王世紀云漆有幽亭則書傳所稱實不在美陽也美陽今武功縣在邠州西南相去甚遠許氏蓋因太王作邑於此而誤嘗云邠公劉國在右扶風漆句至太王邑於美陽句幽句漆亭句即

邠也則得之矣

故城

陝西資政錄後魏太平真君中置扶風郡治好時今永壽縣好時里扶風廢城是或疑爲漢時郡治非也漢三輔共治長安中右扶風解在夕陽街北見三輔黃圖晉始遷於文學城在始平縣東秦章邯築見長安志皆不在永壽也又有武都城亦當在好時之境今不可考矣按明一統志云右扶風故城在永壽縣東南四十里不去右字亦誤

元和郡縣志漢好時故城貞觀八年廢

第宅

雍大記國朝封建親藩自秦晉諸大國外別有列郡諸王皆食采而不履其地秦王府在西安府之左永壽王府在秦府西南二里有勅建讀書樓此外尙有郡王府七並在秦府左右相去不過二三里

陵墓

昭陵附輦圖考陪葬宰相凡一十三長孫無忌與焉陪葬三品丞郎五十有三無忌之族長孫敞與焉從無徙葬永壽之說

關內周諮錄永壽懷簡王墓在鴻固原

按此說見明一統志然鴻固原在西安府城南三十里非永壽地也

坦軒筆錄明劉以平諸生時夢入宮殿有王者命坐對奕又至一所石門有聯云鸚鵡能留千載夢麒麟空卧萬年秋不解所謂既登第遷秩陝西行太僕寺卿將之永壽登梁山上有利關石刻一聯卽夢中所見也

長安志吳妃陵在好時西北七十里明月山下

通志疆域圖安家營舖在監軍鎮東南有唐安金藏墓按安家營縣冊作安家宮似謂幽宮也舊志作安家空據字典當作控卽龕也長安志云奉天縣梁山鄉有控子村西安府志云咸陽有義鄉控最師控二寺

建置

關梁

永壽縣新志卷十

八

關中名勝集穆陵關有三一在山東一在湖廣一在陝西宋蘇軾登廣利亭詩云西望穆陵關東望瑯琊臺此山東臨朐縣之穆陵關也唐劉存過穆陵關詩云南遊匣長劍日暮湘楚間歇馬上秋草逢人問故關此湖廣麻城縣之穆陵關也唐許棠詠穆陵關詩云荒關無吏守亦耻白衣過地廣人耕絕天寒雁下多全首已載藝文類此陝西永壽縣之穆陵關也在永壽者本後魏之莫營關音轉字訛至唐遂呼爲穆陵或以爲宋時始置非也如果宋置唐人安得而豫詠之乎此關乃南幽扼險之處惜頽廢不能復故耳

鎮堡

關內周諮錄永壽惟監軍鎮爲盛初不知監軍何時人或云唐時邠寧監軍或云宋時涇原監軍或又謂明季中人爲陝西諸大帥監軍遂家於此臆說紛紛都無確據近始訪得於土人云明崇禎時邑人任姓者爲河南監軍道協勦流寇戰沒於朱陽此其故莊因以名鎮耳考諸永壽人物志果有任公名棟官爵事實悉與土人言合但不著里居耳錄此以補舊志之闕

金史地理志永壽舊有邠寨鎮後割隸涇州

元光二年涇州徙治

長武

郵遞

皇華載筆永壽有麻亭驛考長安志云奉天驛在縣南三百步北至永壽麻亭驛八十里不知何時改爲永安也

風俗

性習

幕府燕談周以農事開國公劉修后稷之業於農事尤兢兢焉以七月之詩考之一歲之中無一日不勞乎農也一家之中無一人不力乎農也蓋農者衣食之本惟其關生民之大命是以服天下之至勞迄今南豳民俗惟以農爲本務雖有野處之秀初不以讀而廢耕以斯知先王遺澤之入人者至深且遠也然婦無公事而求桑載績之風寂如此則大異於古所云矣

歲時

〔詩總聞〕幽風凡言月者皆夏正言日者皆周正此於十月之下卽云穹窒薰鼠曰爲改歲是明言公劉當夏時已自以十一月爲歲首不待注疏而本文已自顯然

〔博湖掌錄〕公劉當夏后之世而一之日二之日已用建子爲紀

按朱子云一之日謂斗建子一陽之月二之日謂斗建丑二陽之月蓋周之先公已用此以紀候故武有天下遂爲一代之正朔劉氏亦云幽公創國偏方亦有十月改歲之俗此三正通用之明證也

〔得樹軒哀談〕邠州永壽民多住窰房卽所謂陶穴也蓋

永壽縣新志卷十

十

田地有橫土有立土立土不可穴居又不宜種植橫土反是物土之宜而布其利故民習而安焉由周而來未之或革

土產

穀屬

〔皇華載筆〕永壽多寒少燠五穀之收穫獨遲又乏水田故種稻尤尠

貨屬

〔天工開物〕石炭有三種一曰明煤二曰碎煤三曰末煤明煤大者如斗邠州永壽有之

禽屬

詩疏輯要幽風七月鳴鵙毛鄭皆謂幽土晚寒故鳴遲
王肅云蝮及鳴皆以五月鳴今云七月其義不合古五
字如七葢傳寫之譌耳

按孫毓云毛傳言晚寒者幽土寒多雖晚猶寒非謂
寒來晚今永壽蟲鳥之鳴皆後於他縣正寒多之驗
矣然則伯勞鳴於七月理亦有之

皇華載筆永壽多紅嘴雅

賦役

屯衛

關內周諮錄世祖至元中陝西屯田永壽有南北二屯
按長安志至元二十八年陝西屯田四十有八所謂

永壽縣新志卷十

十一

南永壽屯北永壽屯者乃渭南一十七屯之二非指
永壽縣也周諮錄誤

祀典

崇祠

斯友堂日記關廟永壽民間皆稱老爺廟亦稱關帝廟
或謂當稱漢壽亭侯廟嘗考元天歷中侯已加封義勇
武安王矣尋又加顯靈威勇之號前明萬歷中加封翊
天大帝建廟於都城外之盆兒衚衕以霜降致祭然則
稱關帝則可老爺之稱似太俚俗

按金章宗承安中有白門趙氏修老爺廟石刻今在
郿縣關帝之稱老爺實始於此又按春明夢餘錄漢

壽亭侯廟在宛平縣東成化十三年建俗呼白馬廟
昔慕容氏都燕羅城有白馬前導因以爲祠蓋
隋舊基又廟碑載明英宗夢見帝乘白馬故名五月
十三日遣太常寺官致祭据此則關廟之祭既不始
於神宗亦未嘗用霜降日也又按陝西通志成陽縣
治北有關帝廟宋開寶六年建亦誤也宋初關聖尙
未封王安得稱帝或本漢壽亭侯廟而後人改稱之
耳

羣祭

列異傳梁山有秦始皇廟至今有祭者往往有一二百
蝴蝶降祠所享其食近之不驚徹饌然後羣去時謂秦
皇侍從捉之者病

陝西資政錄永壽名宦首呂大防其先已入西安府學
七賢祠七賢者張載呂大忠大鈞大臨范育蘇昞暨大
防而七也

職官

知縣

陝西資政錄永壽知縣張焜仁明廉介遇事力行建城
池創學宮通水利申荒糧革里差疏鹽引皆毅然捐俸
爲之時論以爲不愧名宦云

按張令修志後故冊漸遺官司失次茲詳加蒐錄並
因公事入廟見有記文聯額題名某某者自知縣以
下復得二十餘人然姓氏僅列里居半湮矣

祝鍾傑襄平人康熙二十八年六月立城隍廟巖城保障扁額尋陞奉天寧遠州知州 萬廷詔康熙三十年立觀音廟慈航普渡扁額 盧化敬閩縣人康熙四十三年撰重修城隍廟記載藝文類立日監在茲扁額 王帝簡三韓人康熙四十六年立關帝廟莫不尊親扁額五十年撰重修城隍廟記 梁須梗安定人雍正二年重修觀音廟屋梁 周文彞雍正五年撰城隍廟對聯 王容乾隆五年立城隍廟金湯永固扁額 王薰滄州人在任年月無考有觀音廟板對一聯 黃中銓 黃義 潘偉見卷一三

典史

汪澤環縣人與李令如瑾同時 劉陞與盧令化敬同

永壽縣新志卷十

三

時 李進美康熙四十三年至四十六年以蒿店所大

使代理尉事 胡承元與王令帝簡同時 戴天授與

王令容同時

訓導

王永祚三原人與盧令化敬王令帝簡同時 劉澤宏

與王令帝簡同時 王學與周令文彞同時 胡煌與

王令容同時

把總

劉玉祥與盧令化敬同時 賀禎祥與周令文彞同時

按縣境舊有蒿店底窖二所蒿店所大使李進美魏

宏見寺廟題名時康熙四十六年暨五十三年也然

則裁缺當在雍正之初歟

縣丞

關內周諮錄永壽在唐爲大縣故令丞簿尉並設明制縣丞主簿添革不一若編戶不及二十里者皆裁革今考永壽無主簿而縣丞至天啟中始裁豈天啟以前編戶尙滿二十里耶又有巡檢使副使遞運所大使副使後汰副使惟巡檢及遞運大使至

國朝並除

按明一統志永壽縣編戶一十里志係天順五年吏部尙書李賢等纂則天啟以前實亦不滿二十里也又按元和郡縣志貞觀四年於永壽縣置醴泉監兼置屯五所隸太常寺不知何時廢云

永壽縣新志卷十

十四

張志職官自令以下缺而弗備禩遠無徵明天順初年至聖廟碑中載有縣丞新城馬騏例當續入恐先後失倫今姑與拈出則志之遺漏可知矣

選舉

進士

西安府志進士始於隋而盛於唐迄今稱甲榜焉惟北宋宣和三年罷進士立三舍之法今之館學生廼進士之屬也令長佐雜以次擢用

按舊志歷朝以來邑人多由貢舉徵薦出身獨未就館學一途亦闕事也誰爲補之是不能無望於後之

有志觀光者

人物

寓賢

〔西京雜記〕漢婁敬始因虞將軍請見高祖衣旃衣披羊裘虞將軍脫其身上衣服以衣之敬曰敬本衣帛則衣帛見敬本衣旃則衣旃見今舍旃褐假鮮華是矯常也不敢脫羊裘而衣旃衣以見高祖 〔又〕陸賈屏居好時日樊將軍過之嘗問自古人君皆云受命於天云有瑞應豈有是乎賈應之曰有之夫日暍得酒食燈火花得錢財乾鵲噪而行人至蜘蛛集而百事喜小既有徵大亦宜然故日暍則呪之火花則拜之乾鵲噪則餞之蜘蛛集則放之況天下大寶人君重位非天命何以得之哉瑞者寶也信也天以寶爲信應人之德故曰瑞應無天命無寶信不可以力取也

仙釋

〔明碑〕倡法師居雲寂寺碧峰之師也

〔皇華載筆高僧記〕永壽武陵山寺有明太祖賜石碧峰禪師袈裟一襲上多題詠考明史李仕魯傳云帝踐祚後頗好釋氏詔徵戒德僧數建法會於蔣山應對稱旨者輒賜金襴袈裟碧峰其首選也

按袈裟今尙存寺僧秘之洵五百年來淨居法寶矣 〔廣異記悟元傳〕元延祐中陝西永壽縣一村嫗住常寧

莊有道士自號悟元子從石牛山來日就媪乞食媪卽與之無吝色道士曰媪二十年後當有災今以鐵簡投汝至時急投諸火言訖而去久之媪之女長而美一日有稱大王者騎從甚都借宿媪家遣左右謂曰聞得異人鐵簡可出示否媪平日數爲他人借觀因造一僞物而以真者懸腰間遂用僞獻留不還曰汝可呼汝女行酒以疾辭大王怒便欲爲奸媪思道士之言計歲數又合乃解鐵簡投鑪火內旣而電掣雷轟擊死獼猴數十其一甚巨蓋其王也悟元子或卽張守貞云

藝文

論

明顧祖禹乾州形勢論控長安之近郊當鳳翔之孔道唐德宗保奉天卒卻朱泚之逼蓋北有永壽通涇邠之甲騎南有武功集梁洋之轉輸守奉天而賊之精銳不能越京師數百里間矣用兵所以貴於勢險而節短也

詩

張明廷新建虎頭城終夜防寇云城似虎頭山似盤盤山踞虎創雄觀中峰古塔層層起兩澗清泉曲曲湍月到天心渾不夜風來谷口頭生寒三秦寇盜今如此未許將軍卽解鞍又臨別云一署憐焦土殘黎泣廢疲人稀炊減竈井舊汲無錡露冷林花瘦山空鳥腹飢安懷曾幾日送別各凄其

按右二詩見南堡門內關帝廟牆碑題云晉偏關張明廷不知何許人也詳味詩意似康熙中張令焜未任以前有令於此邑者爲之然年月官銜俱無可徵姑錄其詩以俟再考

別錄

述異

〔晉書苻堅載記〕太元七年新平郡獻玉器於秦初太史令王雕上疏曰新平地應出帝王寶器其名曰延壽鼎願陛下誌之平七州之後出於壬午之年至是新平人果得之以獻器銘篆書文題之法一爲天王二爲王后三爲王公四爲諸侯五爲伯子男六爲卿大夫七爲元士自此以下考載文記列帝王名臣自天子王后內外次序上應天文象紫宮布列玉牒版詞不違帝王之數從上元人皇起至中元窮於下元天地一變盡三元而止堅以其言有徵追贈光祿大夫

〔鴻書〕唐肅宗爲皇太子元宗幸蜀留上在後宣諭百姓賊兵追迫上自奉天而北夕次永壽百姓遮道獻牛酒有白雲起西北長數丈如樓閣之狀議者以爲天子之氣自是紫雲擁帝所乘馬聚散不時

〔宣室志〕扶風竇寬家於梁山下唐太和八年罷職歸治園屋命家僕伐一樹有血滂溜汪然注地食頃而盡寬知爲怪閉門絕人事至明年鄭注李訓反寬與注連遂

死於左禁軍中

〔舊志〕明嘉靖三十九年永壽城西武亭河岸穴中出白霧俄然結成人馬形有乘馬者有步行者宛然如生皆雄傑可畏至盤道山北散爲有翼螻蟻

紀兵

〔後漢紀〕光武西征至漆議者以爲車駕不宜入險且遣諸將觀虛實馬援獨勸上進兵車駕遂發

〔劇談錄〕唐黃巢陷長安鄭相國鎮岐下密飛檄告於隣道旬朔間涇邠諸鎮俱以銳師從奉天好時南來

〔資治通鑑〕唐昭宗天祐元年九月朱全忠引兵北屯永壽

〔金史婁室傳〕天會中攻乾州始築甬道列礮具而州降遂北取邠州

